

THIRD SITTING OF THE TENTH SESSION ON 21ST OCTOBER,
1982 AT 10:30 A.M

PRESENT

PU C.CHAWNGKUNGA, Deputy Speaker at the Chair, Chief Minister,
Three Ministers and 20 Members were present.

BUSINESS

1. QUESTIONS entered in separate list to be asked and answers given.

PRESENTATION OF REPORT

2. PU JOE NGURDAWLA to present to the House the Sixth Report of the Committee on Subordinate Legislation.
3. PU K.BIAKCHUNGUNGA to present to the House the Eight Report of the Committee on Estimates.

LEGISLATIVE BUSINESS

Bill for consideration and Passing.

4. PU LAHMINGTHANGA to move that the Bill to amend the Lushai Hills District (Revenue Assessment) Regulation, 1953 be taken into consideration.

ALSO

to move that the Bill be passed.

DEPUTY SPEAKER :

"Lei chi in ni e; nimahsela chi hi a dak tawh chuan engingne an tihal leh ang? chuta chinah chuan pah chhuaha, mihringte rah mai mai chauhvah lo chuan, eng atan mah a tlaktlai lo.

Khawvel eng in ni e. Tlang chhipa khaw awm chu thuhruk theih a ni lo. Miin khawnvar halin hrai hnuaiah an dah ngai lo, a dahnaah an dah zawk thin; tichuan in chhunga mi zawng zawng a en thin. Chutiang bawkin in eng chu mi mithmuhin eng rawh se, chutichuan in thil tih thatte an hmu ang a, in Pa vana mi an chawimawi thei ang."

Wawin kan Business ah kan kal anga, List of Business Item No. 1-ah kan kal ang. Tunah Pu C.Vulluaia zawhna kan la anga, mahse hei hi amah a awm loh avangin authorise te a nei a, a hnuhung berah ti ila. Starred question No.12 Pu V.Lalnunzira zawhnah kan kal anga, tunah Pu V.Lalnunzira i lo sawm ang.

PU V.LALNUNZIRA : Pu Deputy Speaker, ka zawhna Starred Question No.12 - Will the Hon'ble Minister, be pleased to state -

"How many villagers of Tuikuk have been shifted from Dampa Wildlife Sanctuary in 1981 - 82.

PU P.B.ROSANGA : Pu Deputy Speaker, Starred question No.12-na a chhanna chu 1981-82 chhungin Tuikuk Dampa Wildlife Sanctuary atangin sawn chhuah an awm lo tih a ni.

DEPUTY SPEAKER : Zawhbelhna a awm em ? a awm lo a nih chuan Pu Saikapthianga.

* PU SAIKAPTHIANGA : Pu Deputy Speaker, zawhbelhna he Sanctuary chungchangah High Court Case a awm a. Chu High Court Judgement chhuah tawh hnu pawh chuanin Tuikuk Thlam te leh an Buh bal te Forest Department hnathawktu ten an hal sakin leh an Chhawhchhi te an sam sak tih hi a dik em ?

PU P.B.ROSANGA : Pu Deputy Speaker, kan member MINISTER zahawm tak zawhna kha a dik lo ani ang. Engmah Sawrkar-in chutiang information a hmu lo.

* PU SAIKAPTHIANGA : Pu Deputy Speaker, a nih leh chutiang Forester in emaw Forest-guard in emaw Tuikuk thlam-ah te kal a, Sanctuary chhunga lo nei ni anga puh avanga pawisa an khawn te, an Chhawhchhi an sam sak te, Sawrkar-ah rawn thlen thei ila kan Ministry hian action la turin min tiam thei angem ?

PU P.B.ROSANGA : Pu Deputy Speaker, High Court MINISTER Judgement atang leh High Court thu angin hemi Sanctuary chhungch hian lo neih khap tlat a ni a. Chu chu High Court Stay

Order a awm a, High Court in Judgement a siam hnu pawh hian a Sanctuary hrim hrim a hi a rawn ti danglam a ni lova. A Procedure Notification ah siam that ngai a awm a, chu thu mai chu a nia. Stay Order a nihna hi tunthlengin phelhna a la awm lo. Chuvangin lo nei te an awm a nih pawhin dan bawhchhia a thil ti an ni tih kan hriat a tha ang.

PU SAIKAPTHIANGA : Pu Deputy Speaker, High Court Judgement khanin kan Sawrkarin Eviction Order a siam kha Chiangtakin a cancell niin a lang a. Kha High Court Judgement bawk khan eviction order kha siam tha leh turin a ti a. Chu chu vawinniah hian eviction order a chu siam a ni leh tawh em tih min hrih thei em aw ?

PU P.B.ROSANGA : Pu Deputy Speaker, High Court in MINISTEE eviction order a kha a cancelled a, a chhan chu a Procedure Notification Gazett Notification awm lova hemi Sanctuary declaration hi tih a nih avangin a ni a. Chuvang chuan Sanctuary a nihna cancelled a awm lova, amaherawhchu High Court in a rawn a chu Department hian a duh chuan dan pang ngai ang a Notification a chu siam tha leh vek a, a Procedure dik tak a ti turin thu a rawn tho va. Chu ang chuan tunah hian buatsaih tan mek a ni a, formality complete a nih hunah chuan hemi eviction order a hi dan thlap a la siam chhuah chho leh a ni ang.

Tin, hemi eviction order High Court in assetsite avang hian a chhunga awm te lo neih leh tih kha a phal chuenglo a ni.

PU V.LALNUNZIRA : Pu Deputy Speaker, zawhbelhna Dampa Wildlife Sanctuary chhunga lo neih Tuikuk leh Takam ho engemawzat an thlam te hal sakin an awm a. Amaherawhchu mithenkhat chutianga sawisak loh an awm a, chu chu kan Sawrkar-in a hra hria em ?

PU P.B.ROSANGA : Pu Deputy Speaker, an lo te, an MINISTEE thlam te hal sak an nih pawh Sawrkar-in a hre lova. Tih sak loh an awm pawh a hre chuanglo.

DEPUTY SPEAKER : Zawhbelhna a awm tawh loh chuan Starred Question No. 13-naah kan kal ang a. Pu Saikapthianga zawhna a ni a, tunch Pu Saikapthianga zawt turin i lo sawm ang.

PU SAIKAPTHIANGA : Pu Deputy Speaker, ka zawhna Starred Question No. 13-na

Will the Hon'ble Minister i/c Public Works Department be pleased to state -

- (a) "How many individuals were given widening works at K.D. road without call of tender and on what criteria the works were allotted?"
- (b) How much was spent for the work and the amount possibly involved?"

PU LALEMMINGTHANGA :
MINISTER

Pu Deputy Speaker, member zahawm tak Kawrthah constituency a ni rawn zahna hetiang ang ni a ni a - Pakhatnaah chuan K.D. Road hei hi Kutomania Demagiri Road tihna a ni a. Hemi tih lohnaah hian tender ko lovin mi engzat nge hna pek tihna a ni a. Tin, chumi han pek a nih chuan engnge a pek chhan a tehfung atana a hman tihna a ni a.

Pahnihnaah chuanin heta ten hianin pawisa engzatnge hman ral a nih tih a ni a.

A pakhatna chhannaah khanin hemi K.D. Road tih lohna hi Departmental a lak a nih avengin tuma hnenah contract pek a ni lova. Chuvang chuanin engngeni a tehna a criteria atana hman tih a pawh kha engmah criteria a awm chuang lova. Hemi tih lohna hi Normal Maintenance hman atanga Departmental a tih a ni.

Tin, a pahnihna chhanna kha expenditure chumiina a mamawh a chu cheng singthum leh sangnga a ni.

DEPUTY SPEAKER : Supplementary question a awm on ?

* PU SAIKAPTHIANGA : Pu Deputy Speaker, zahwbelhna hei hi ka vawhnih zahna a ni a, kan Minister zahawm tak khan a hre pha lo pawh a ni mai thei a. He laich hian thil tenawm tak Department in a nei a. Khulai tam ho-ina inhlawhna tura kan dil pawh phal loin PC mi PC member te Unit President te pathum pek an ni a. Chumi te chuan PC hlir inhlawh turin an chhawr baw a. A pawisa sen pawh hi kan Minister zahawm tak khan Singthum leh songnga a ti a. Hei ala tam tak hi a ni a, amaherawhchu a figure chiah ka sawi thei lova. Hetiang anga Ministry pawh zahzo lova Sawrkar hnathawkina kan Department an ching vel ang hi kan Minister te hianin chiang takin an hnathawh dan te ziakin rawn sawi ta ila an tha sen te leh an pawisa hman zawng zawng te leh Department a Bill an sian te leh an pawisa lakzat te nen. Chutiang chuan chiangtekin rawn substances thei ta ila, kan Sawrkar hian action a la a ngem ? tih ka han zawt belh teh ang.

PU LAIHMINGTHANGA : Pu Deputy Speaker, Member zahawm
MINISTER tak khan a sawi ang khan hetilai
kawng hi a rawn sawi zaph zauh
tawh a. Hmanah a zawh tawh leh tawh loh kha kei chuan
ka hre reng tawh lova. Amaherawhchu khumi K.D. Road
kan tih khu Silchar lam atanga kal phei a ni a, keinin
Kanhmun kan tih atang khuan keini lam kawng a lo ni ta
a, a piah lam khu Cachar lam kawng a ni a. Kawng
pawimawh tak a nia member zahawm tak ngei pawh hian
Supply buhfai te a kal that theih loh thu a rawn sawi
avang khan a hmanah ka zuk kal a, hman deuh hlek khan.
Tichuan ka zawh chhuak phei vek a, a hma a khulaia mipui
leh a bialtu member te pawh an buaina thin ber chu khumi
kawng a zim lutuk avang leh a diak lutuk thin avang khan
Fur lain Supply a kal thei thin lova. Tichuan Fur hma
ngei khan siam that nisela ti khan kei pawh a hmanah ka
zuk kal a ni a.

Chutah chuan hemi an hna pawh hi
a tlangpui chu ka zuk enfiah a. Tuidam thlengin Army
TMB te pawh Widening an thawh avangin a kal thei a,
Tuidam-ah Army Truck pathum lai ka hmu a. Chutah Tuidam
atangin Kawrtethawveng-ah ka phei leh a. Kawrtethawveng
atangin Tuilut kawng-ah, hemi Tuipui Bari kawng Manipur
anga buatsaih a ni a. Amaherawhchu, Tuidam piah lam
pang kha chu pawisa duh anga kan nei tawh loh avangin kan
la ti tha thei lova khulai khu. Chuvangin member zahawm
takin a a ngaihdan a han sawi a pawh kha a dik ber awm
pawhin kei chuan ka hmu lova. Hemi an Widening Works
hi kan han tih chung chung na ohhan chu a kawng a khu
kawng pawimawh deuh mai mi tam deuh mai supply kalna
kawng kha a ni a. Hemi an pawisa hi a thu hrim hrimah
Sencor pawh a la ni lova, tunah hianin Labour an rawih
tam tak kha pawisa hi an la la lova, tun thla hlui chung
te, nimin ang lek lek te pawh khanin Sawrkarin payment
min pe har tiin an rawn kal thin a, a pawi viau nghe nghe
a khatiang ang kha. Chutiang ang khawp a thil urgent
khulaia zuk tih kha a ni a. Member zahawm takin a han
tih a pawh kha a Bill chungchang thuah phei chuanin zuk
pass leh pek kha a la ni ta lo hrim hrim mai a ni, Mipui
mamawhna avang khanin Departmental a lak a ni a.

PC hotute an hmang e tih a kha
chu ka zuk hre thei chuang bik hauh lova. PC te pawh
an awm anga, PC lo te pawh an awm anga, ka rindan-in
chungzingah chuan PC President te pawh an lo awm ni ang,
zuk phat theih chi pawh a ni lova. Mahse hemi hi chu
Sawrkar-in a hmun a khu a pawimawh em avang leh a mipui
reng reng leh member te pawh an vei em em nia hriat a
nih avangin improve thuai thuai a tul nia hriatna ka
zuk neih kha a ni a. Kan Department Officer te pawh
claim vek theih an nih ka ring chuanglo. Tin, a thu
hrim hrimah payment la pek loh a ni ta reng reng a nih
chu. A kawng a erawhchu tunah chuan a tlang a ni, ka
mit ngeiin ka hmu a, ka kal a Mahmit ah ka rawn chhova.
Tin, Army Truck bakah khan Mizo Truck pawh tam tak a lut
thei a, chutiang ang chu a dinhmun a ni.

* PU SAIKAPTHIANGA : Pu Deputy Speaker, z awhbelhna kan Minister zahawm tak khan khulai kawng pawimawh zia a rawn sawi a. Hei hunrei tak atang tawhin Zamuang atanga Kawrtethawveng Widening na tur Department proposal leh Estimate te siamin theh luh a ni tawh a. Tin, chubakah Kawrtethawveng atanga Tuilut kawng kan Minister-in a rawn sawi ang khan laih leh na tur Department atanga Proposal leh Estimate engkim theh luh tawh rei tak mai C.E Office a awm hi kan Sawrkar hian engtik hunah nge ni min tih fel sak theih ang tih hi a hriat theih em aw ?

PU LALHMINGTHANGA : Pu Deputy Speaker, Member zahawm MINISTER takin a rawn sawi kha a dik viau a, khumi kawng khu tuna kan tum dan chuanin Sairang bul atanga Aizawl, West Phaileng, Tuipui Bari kawng kan tih mai thin chhuk thla zel nen a in pawh tura ruahman a ni a. Amaherawhchu, pawisa lam a harsatna tlem kan nei hi kan Estimate siam thin a kha NEC a kan thehluh hian anni hian duh dan hmang an rawn nei ve thin a. Chutilaiah chuan tum thum lai kan indawr tawh a NEC te nen hian, mahse tunah hian final a la ni thei ta lova. Chu chu a Chief Engineer Office lam chak loh pawh ni lo khan, a NEC lampang zawkin a duh dan an neih a zawk kha tih puitlin tura tih a ni a. Chutiang ang min kawhmuh ang a kan tih khan duh dan hrang tlem an rawn nei leh thin a, chu chu kan mutan bulpui bera chu a nia tunah hian. Engpawh nisela tunah kan bei chho mek zel a, kan Officer te pawh kan tir thin a, anin dawr mek zel a, Fund allotment pawh an bei mek zel a ni.

* PU SAINGHAKA : Pu Deputy Speaker, K.D. Road leh A.M.V.K. Road NEC hnuaia awm hi kan Sawrkar hian la mai zawk sela tha zawkin rinna a awm a, kan Sawrkarin ngaihtuchna a nei tawh em ? Tin, la dawn sela a harsa angem ? tih ka han zawt duh a ni.

PU LALHMINGTHANGA : Pu Deputy Speaker, Member zahawm MINISTER tak rawn zawhna kha a pawimawh khawp mai a. Hemi K.D. Road khumi khawthlang ti mai ilangin hei State dang te nen a a in kalpawh theihna lai reng reng a hi kan Road Plan kalkawngah hian Inter State Connection a nih avangin NEC hian a fund a hi min duhsak deuh ber a. Mizoram Sawrkar hian la dawn ta ang ila chu kan harsatna lai tur a kha chu a pawisa dinhmun a hi a ni dawn a.

Tin, lo la ta tehreng pawh ni ila, North Eastern Council ina a function dan a hi anmahni ina entirnan Engineering Wing khatiang area ang chi hrang hrang va operate tura kha nei an ni lova. Assam-ah pawh Maghalaya-ah pawh, Tripura-ah pawh khami an State concerned a Department a a department bik zel a te kha NEC programme kan tih operate tur a ringhal

NEC a hman nghal hi an ni a. Chuvang chuan kan State pawhin la ilangin a harsatna hi a tlem phah tehchiam chuanglo anga, kan harsatna zawkmah nalai tur chu pawisa chungchang thuah a ni dawn a ni. A chhan chu kan State ah khan kan Road Fund allocation a kha, kha vang khan a pung thei dawn chuang lova. Tin, a thawktu tura kha a ngai kan ni dawn a. Tlem te a thil harsatna kan han tawh hlek hlek thin zawk a kha chu nichina ka sawi tawh ang khanin NEC lamah duh dan engemaw kha an lo nei a, khami ang han siam rem ngai a kha a ni a. Chuvang chuan a State Sawrkar in a la tur ang hi chuanin vawin ni thlengin ke kan pen rih lova.

Amaherawhchu, tuna Sawrkarina a han tum dan tlangpui chuan NEC atanga Road Project kan hmuh a hi hei a awm ve tak neuh neuh avangin a NEC bik a hi concentrate a tih theih dan kawng zawng ta ila. Chutiang chuan a chak zawk a nge tih chuan tun hnai thla hnih thla thum kal ta atang khan examination kan ti mai anga Sawrkar chuan a bei mek a. Amaherawhchu, final decision a hi tunah hian lak a la ni chiah lo a ni.

DEPUTY SPEAKER : Zawhbelhna a awm tawh rih lova, tunah chuan Starred Question No. 14 Pu Sainghaka zawhnaah kan lo kal anga. Tunah Pu Sainghaka zawt turin i lo sawm ang u.

* PU SAINGHAKA : Pu Deputy Speaker, ka zawhna Starred question No. 14 - Will the Hon'ble Minister-in-charge of Public Health Engineering Department be pleased to state -

(a) Whether water testing Laboratory has been established by the Government of Mizoram.

(b) If not, why? .

PU LAIHMINGTHANGA : Pu Deputy Speaker, member zahawm MINISTER tak Aizawl South Constituency a miin a a rawn zawhna kha hetiang hi a ni a .- Water testing Laboratory hi Mizoram Sawrkar hian siam a tum em ? tih a ni a. Tin, siam tawh a ni em tih a ni a. Tin, chu chu la siam loh a nih chuan engvangnge ni ? tih a ni a.

A chhanna chu Sawrkar chuan tunah hian siam a tum a. Tun 1983 - 84 chhung vel hian kha kha a bul tan chhoh a tum a ni.

DEPUTY SPEAKER : Supplementary question a awm em ?

* PU SAINGHAKA : Pu Deputy Speaker, zawhbelhna heng ka rawn zawhna chhan a hi he Session ah ngei pawh hian mipui vangtlangin kan tui in thianghlim tawk a nih leh nih loh chungchang thuah sawina a awm zauh zauh thin a. Tlang atangin tui kan la a, hei hi vangtlang zingah sem chhuah a ni thin a. Kan tui in te hi mihring tana in tlak a nih leh nih loh fiahna tura he Laboratory hi mamawh niin a lang bawk a. Tunhma a kan lo tui in tawh zawng zawng kha hetia kan Sawrkar-in Laboratory emaw kan la neih si loh chuan hmun dangah kan test tir tihna em ni tih ka zawt duh phawt a.

Tin, hemi hna vawiianni thlenga kan Sawrkarin a la than theih lohna chhan niawma lang hi a Work-site ti mai ilang, a Building site chungchang thuah Department Officer ngaihdan in anglo niin hriat a ni a. A thenin Tlawng kama dah an duh niawmin a langa, thenkhatin Tuikhuahtlangah tih niawmin hriat a ni a. Chungte chu a dik em ?

PU LAHMINGTHANGA : Pu Deputy Speaker, zawhna hmasa zawk MINISTAR kan tui in tawh thin a te leh hengho hi Laboratory in a test thin em ni tih kha kan kalhmang tlangpui a chu hemi Water Supply Scheme kan han siam hian a Project a sanction leh clear a nih hma kha a detail scheme a zawk a kha, Estimate a zawk a kha a tui lak tur a test na Laboratory test a certificate a tel a ngai a. Kha kha a Estimate zinga a component pakhat ang a ni ve a. Chutiang chuan Scheme kan buatsaih hona rengah hian Laboratory test Certificate chu Government of India pawh khuan rawn telh zel rawh u an ti a.

Tunah entirnan mai mai han sawi ta ila, Lunglei Water Supply Scheme kan buatsaih te pawh khami Certificate te pawh kha kan lo telh loh avangin Government of India chuan thla thum thla li lai khami avang kha kan Scheme a chu a clear lova. Chutiang chuan a scheme estimate ah hian attesting certificate, a Water certificate a kha chu a kal tel ve zel a ni. Amaherawhohu, kha kha harsatna min siam tak a chu Mizoram ah a test na tur Laboratory kan neih loh avangin a certificate a kha a hun takah emaw kan estimate rual te emaw a thelut tur kha ramdangah te emaw test a ngai a, midang kha min lo pe chhuak ta lawk thin si lova. Chuvang chuan harsatna kan nei a. Chumi avang tak chuan hemi Sixth Plan Period ah hian a Laboratory set up na tur Fund Provision pawh hi siam ilangin kan ti a, Chu chu tunah hian din tura buatsaih a ni a.

Zawhna hmuhnung sawkah kha a rawn luh thlak lehna tak chu hetiang hi a ni a. Khawilai hmunah nge kan dah ang tih kha a technical merit atang ten vawi tam tak rawh a ni a. Member zahawm tak sawi ang kha Officer ngaihdan inthuhmun lohna kha a chhe zawng ni lovin khawilainge tha ber ang tih kha dapna a ni a. Tlawng kamah hian ti ta ila tih te, tin, hemi Tuikhuahtlangah hian ti ta ila tih te. Tunah chuanin khami question a kha final decision lak a ni tawh a.

Lawipu-ah Pump House No.3 bulah hian dah ila kan ti a. Vawikhat kan establish kha chuan hemi Aizawl Water Supply Tlawng atanga rawn kal chho ngawt a kha a hna tur a ni ta lova. Hmun hrang hranga kan tui lak tur ho a kha engngeni kha tui khan mihring tana that tawk lohna a neih. Tin, engngeni a defficiency tia hriat a, test-na tur a ni ta ber a. Tichuan, Pump House No.3 bulah khuan advised na te pawh hriat a, finalised a ni tawh a, a building construction dan tur te pawh buatsaih a ni a.

Amaherawhchu, a hna tak tak a erawh hi chu 1983 - 1984 inkara tan tura ruahman a ni. Tin, khamiin a a test-na a a tih tur ber a kha chu khami tui lei atanga lo chhuak kha mihring tana mamawh thenkhat te vawn kim loh a nei em, a neih chuan chu chu engtiang angin nge artificial a pek belh dan tur tih te. Tin, kha tui a kha hun lo kal zel a mihring hriselna in in hnu a khawihchhe thei tur a ni em tih te enfiarna tur a ni deuh ber mai a. Tunah chuan hemi siam tur hianin problem tehchiam kan nei tawh lova, a time factor ah a innghat tawh zawk a ni.

DEPUTY SPEAKER : Zawhbelhna a awm tawh lova, Starred Question No.15 Pu Ellis Saidenga zawhna a ni a. Tunah Pu Saidenga zawt turin i lo sawm ang.

PU ELLIS SAIDENGA : Pu Deputy Speaker, ka zawhna Starred question No.15-na Will the Hon'ble Minister i/c Education Department be pleased to state -

Whether the Government propose to create the post of Reader in the Government College, Lunglei.

DEPUTY SPEAKER : Tunah concerned Minister chhang turin i lo sawm ang.

* PU F.MAISAWMA : Pu Deputy Speaker, member zahawm MINISTER tak zawhna chu Sawrkar hian Government College, Lunglei-ah hian Reader Post siam tumna a nei em tih a ni a. Ah chhanna chu tumna a nei lo tih a ni.

PU ELLIS SAIDENGA : Pu Deputy Speaker, zawhbelhna. Hei Lunglei hi Mizoram-ah chuan Government College kan neih chhuan liau liau a ni a tunah rih chuan. Tah hianin hmun dang te kan thlir chuanin Government College ah hian Proffesor te emaw Reader te emaw dah a ni thin a. Lunglei College

saw tunhma atanga Mizoram chhunga College upa ber te zing a mi a ni ve a. Tin, a Staff te pawh saw an senior a, tin, Government College a nih hianin hmun hrang hrangah Government College te, Lecturer te senior tak tak an awm a. Chungte pawh chu Lunglei College ah te sawn Reader angin Post a siam theih mai lawm ni? Engvangin nge siam theih a nih lohna? Engvangin nge Government hian a tum loh tih min chhang thei em aw?

* PU F. MAISAWMA : Pu Deputy Speaker, atlangpui thuin
MINISTER hemi Higher Education ah hianin
Central Sawrkar atanga pawisa dil
kan nih avang hianin thil tih a har em em a, rawtna tam tak
Higher Education atana awm thin pawh hi mi an hnawl sak a.
Chuvang chuan Central Sawrkar ina a remtih loh zawng tuna
mi an phalsak loh chi ang a hi chu nawr vak hi tun hunah
hi chuan a sawt lem lova. Sixth Five Year Plan chhunga
ruahmanna a awmsa loh kha chuan a tih mai theih tawh lova.
Chuvang chuan thil awlai a ni lova, tin, chubakah Reader
hi Mizoram College ah hian kan la nei ngai lova. Proffesor
te erawh chu tunhma khan Pachhunga College ah khan a awm
thin a. Hei hi NEHU a awm tak chinah chuan Mizoram ah
hian Proffesor post anga kha siam a ni ta lo rih hrim hrim
a.

Tunhmu zelah chuan kan sawi thei
lova, a pumpui thuah Education ah hian hmun kilkhawr zawk
leh harsa Central Sawrkar-ina a ngaih pawimawh hmasak
Elementary Education ah te hian tangka tam tak kan duh
avangin a chung lampang Higher Education atan hian pawisa
tam zawk a dil chhuah theih mang lova. Keimahni a pawisa
nei kan ni mang si lova. Chumi a Central Sawrkar ina min
pek theih ang leh min pek an in hawna ang zul zui deuh
a hmalak hi a ngai a. Chuvang chuan tun mai ah hian a
theih lova. Amaherawhchu Lunglei College saw rilru-ah
Sawrkar chuan a nei a ni, a ngaipawimawh a ni tih erawh
chu hriat a tha a, theih ang tawk tawkin tan chu lak a ni
a. Tunah pawh hian Vice Principal leh Lecturer pahnih
leh EDC post pakhat 1982 leh 1983 chhung hian pek tura
Plan ah chuan awm a ni.

PU ELLSI SAIDENGA : Pu Deputy Speaker, a zawh theih
thoin ka ring a, Lunglei College
chungchang thu zawhna a nih
avangin. Lunglei College ah sawn Science Department a
awm a. Amaherawhchu zirtirtu indaih lohna avangin
Science Student te sawn harsatna tam tak an tawk a. Saw
mi College a thawk tur sawn Science Teacher Post te pawh
awm nia hriat a ni a. Amaherawhchu tun thleng sawn tih
khah a la ni lova, tunhma atang khan. Chung chu Sawrkarin
a hria em? kan Minister concerned khanin a ngaihtuah thu
a sawi a. Hengte hi tih khah thuai a ni thei dawn em?
tih ka han zawt leh teh ang.

* PU F.MALSAWMA : Pu Deputy Speaker, Sience zirtirtu
MINISTER ho hi hmuh an har khawp mai a.
Kan han hmuh theih chhun tam ber.
hi chu Silchar a mi khu a ni a, boruak a han that meuh loh
phei hi chuan amahni hian an lo kal ngam lo thin a,
hlauhthawna te an nei thin a. Engpawh nisela tuna post
siam sa fill up loh te awm a nih chuan chu chu a rang thei
ang bera fill up tura tan lak a ni ang.

DEPUTY SPEAKER : Tunah Starred question No.11-naah
kan kal anga, Pu Vulluaia a awm
lova, hei dan angin kan member
Pu J.Thankunga a zawhna han zawt turin a authorised a.
Pu J.Thankunga Starred Question No.11-na rawn zawt turin
i lo sawm ang.

* PU J.THANKUNGA : Pu Deputy Speaker, ka zawhna
Starred Question No. 11 -
Will the Hon'ble Minister-in-charge
General Administration Department be
pleased to state -

Has the L.T.C. been given to
the Government servants in Mizoram
as permissible under relevant Rules.

BRIG.THENPHUNGA SAILO: Pu Deputy Speaker, Member zahawm
CHIEF MINISTER tak zawhna kha a chhanna chu aw
(Yes) tih a ni.

DEPUTY SPEAKER : Supplementary question a awm em ?
Pu Lalchungnunga.

* PU B.LALCHUNGNUMGA: Pu Deputy Speaker, zawhbelhna,
L.T.C. dan hi Liason Officer
ten an kalna tur train ticket
an buk sak kher kher tur a ni tih hi a dik em? Chu chu
pakhatna ni phawt se.

Tin, chuti a lo nih chuan
Department khat rau rau ah hian thil inanglo a then a
ruah sur, a then a ni sa a awm thin niin ka hria a.
Department dang dangah Department sawi bik pawh ka nei
chuang lova. Thenkhat te chu kha an train ticket lei
na atan khan advance an han pek a kha an kuta pe ta
lovin Silchar ah Liason Officer hnenah an thawn sak ta a.
Tin, thenkhat te chu amahni kut ah ah pe leh si a,
chutiang chuan thil an ti a. Tin, khutah pawh khuan
harsatna a chang changin L.T.C. la thin te hian an
tawk niin ka hria a. Silchar ah an han thawn thla a,
Deputy Director Supply & Transport Office a a deal tu

khuanin pawisa a lo duh ve si a, pawisa lo pek te a phut ve thin si a. Gutah chuan tul lo takin pawisa tam tak tak te an seng thin niin ka hria a.

Tin, pakhat leh ah chuan, tichuan L.T.C. chu an han la ta a, an lo hawnga final bill an han siam ta a ni. Tahchuan, Liason Officer-in certificate a han pe ta a, certificate an han pek tawh kha chuanin heta Head of Department khan ihe lovin a dik a dik tiin a lo pass sak mai a. Thenkhat chu Liason Officer ina certificate a rawn pek tawh hmuh pawh chumi khami ah chuan i zin ngei em, i zin lo vem tih hriat theihna turin chumi hmun khami hmun i zuk thlen tawpna atanga i thil tih a i hotel chaw eina hmun emaw, engemaw tal a dik a ni tihna prove na ka hmuh loh chuan ka pass lovang tiin thenkhat chu kan in dang buai leh si a. Chu chu thil rual tawh tak niin a lang lova, thenkhat Liason Officer-in certificate pawm mai si, thenkhat pawm si loh a kha a thena ruah sur a thena nisa a ni leh ta a ni. Chu pawh chu mi zawng zawng chung a inanga a thena ruah sur a a thena nisa lova, inang thlap a tih dan tha zawk Sawrkar-in siam a tum em ?

Tin, Liason Officer-in Certificate a pek tawh a kha thil tling a nih chuan Liason Officer in certificate a pek tawh a kha chu final bill ah pawh khan rawn pass sak tawh mai zel theihna dan hi Sawrkarin siam a tum em ? Chu chu dan awm sa em ni zawk tih kha ka han zawt duah a ni, a sei deuh a ni.

DEPUTY SPEAKER : Tunah concerned Minister chhang turin i lo sawm ang.

BRIG. THENPHUNGA SAILLO: Pu Deputy Speaker, he thil hi CHIEF MINISTER Supplementary question nei dang te khan han zawt sela, panga chin em ni phal kha ? (Deputy Speaker : Aw ni e). chung chuan han zawt phawt sela, tichuan a vain ka chhang anga hun a tawi thei ang.

DEPUTY SPEAKER : A dang an awm tawh lo a ni ang, tuna mi kha chhang tawh mai rawh. (Brig. Thenphunga Saillo : An zawt leh si a nge) Zawt duh in la awm em ? in awm tawh lo maw. (Pu Ellis Saidenga : Pu Deputy Speaker, a chhanna atang khan zawhna chu a lo la piang chhuak thei tho a lawm). A nih leh concerned Minister chhang turin i lo sawm ang u.

BRIG. THENPHUNGA SAILLO: Pu Deputy Speaker, he zawhna hi CHIEF MINISTER an rawn zawh hi thatna pawh a awm a. Tuna ka han sawi tur hi Member zahawm tak te leh helaia roreltute tan pawh hian nguntakin lo ngaithla sela, ka hmanhmawh deuh avanga ka tawng te a fuh loh deuh pawhin ka sawi tum ang ngun deuhin lo ngaithla ulangin ka thil tum zawk a kha.

Hemi zawhna chhan leh zawh leh a kha a pawimawh ber lova, hetilalah hianin. MLA hei Mizoram a thlan zawng zawng kan awmkhawm a, hetilalah hianin, in tanpuina kan mamawh a ni. He L.T.C. hi kan buaipui khawp mai a, kan ram Sawrkar-ah hianin a zah pawh a zahthlak lutuk tawh a ni. State dangah te pawh kan awm a, Central ah te heti khawp a L.T.C. misuse hi Zoramah chiah hian ka la hria a ni. Tuna zawhna an rawn zawh zawng zawngte pawh kha a dik thawkhat e. Mahse heng chhuahna zawng zawng chu kan rinawm lo lutuk a ni, a pawl ngawt mai.

Entirnan tlem tlem ka han hrilh ang che u. Mi thenkhat chuan hei L.T.C. ka duh e an ti a, a dependant kha an ziak thluah a. A tirah chuan an pawm mai a Sawrkarin, mahse an kal zel a dik lo tak takin an ziak thluah mai a, dawtin. Dependant tak tak pahnih nei te pawh khan paruk te an ziak a. Tin, dependant tak tak panga nei te pawh khan an ziak khan an han zin chhuak a, pakhat chauh kha a zin chhuak leh si a. Chu pawh chu a kal tumna kha Silchar piah lam nimahse Silchar a thlenga a lo haw leh a. Rel ticket a va la a, money receipt a va la leh a, a lo haw chuan bill a rawn submit a, mi paruk amah leh midang panga tan. A dik lo lutuk a khangte kha. Mi thenkhat leh chuan an destination a hla thei ber Cape Comorin (Kanyakumari) leh Bombay hi a tam thei khawp mai a, an thleng reng reng lova, khangte pawh kha tih ngaihna an hre lova, Kanyakumari leh Bombay kal tur chuan Culcutta kaltlang a ngaih avangin Bombay lam an pan nge pan lo tih te leh Kanyakumari an pan nge pan lo tih hriat na tal a awm mahna tiin Department Head chuanin a theih ang ang kha tih a lo ngai ta a. Liason Officer hnenah certificate an rawn la tur a ni, Culcutta a kaltlanga Bombay lam panin a kal ngei a ni tih entirnan. Chungte an tihna chhan chu a zin tura te tih hreawm leh harsatna siam sak tumna vang a ni lo. Kan rinawm lohna lutuk avang khan engtingge kan dan theih ang tih kha Head of Department khan a ngaihtuah lo thei lova. Liason Officer ina certificate a pek a te kha a engmah lo leh zel si a.

Hman deuh lawk pawh khan mi pakhat leh a chhungte paruk Orissa ah chumi khami an thi an tih avangin kan kal dawn an ti a, an thi hlek lova. Mahse vanduaithlak takin amah kha Goalpara-ah a thi ta a. Tih loh theih lovin lo lang ta a. A chhungte tan L.T.C. tih a kha Aizawl-ah an awm vek a, a zahthlak em em a ni kan nungchang hi. Heng zawhna in zawh te hian a awmzia chu tam tak chu service matter in rawn zawh hian, ka lo hmuh dan chuanin Sawrkar hnathawk thenkhat lungawilo, an duh ang ti thei lo, thil sual tih an tum a, an ti thei lova, emaw an lungngawi lova an rawn hnaih che u a. Anmahni story an sawi a, the other story a awm tih kha in ngaihtuah lem chiah lova, verify pawh in tum bawk lova. An hrilh ang ang khan in pawm a, hleuh hleuh tak a, Assembly Hall ah ka han zawt klauh teh ang in ti emaw ni te ka ti hial a. Service matter hi fimkhur a ngai viau a, a zawttu pawh dik takin nimirpiah pawh khanin kha ai khan chhang thui duh ila chu in mualpho viau ang. Chuvangin Sawrkar hnathawk thenkhatte hi an rawn pan che u hianin khatiang kha in duh tih an hria a. Mahse anmahni selfish motive avangin ti an ni a. Nangmahni ti hmingchhe tu che u an ni a, an let down che u a.

Amaherawhchu, thil dik lo awm nia in hriat na na chuan MLA in nihnaah, kan nihnaah kan bengkhawn lo thei lova, kha kha a dik chiah a. Chuta in kalkawng tur nia tha ka tih leh ka rawn duh che u chu. Khatiang in hriat khan kha Pa thawnthu ringawt ah khan tawp lo ula, thawnthu dang a awm ang tih ring ula. Tin, hetiang zawh in duh a kha a motive a kha thahnemngaihna, mimal leh Sawrkar tan leh Zoram tan thahnemngaihna rilru pua in zawt a nih dawn ngat chuan in tih hmamin Minister concerned emaw, Department Head tute emaw pawh kha han zawt chiang ulangin he question a pawh hi Deputy Secretary, GAD khu minutes sawm leh panga han thut pui ulangin a hrilh zo vek mai ang che u. Tuna example ka han sawi ang te kha a tam lutuk tawh. Tin, he thilch hianin a pawh leh zual tur chu Sawrkar hnathawk thenkhat te tunah hian Officer thenkhat te pawh an tuar dawn a nia, dismiss an ni mai thei. Dismiss from Service an ni mai thei a ni, a serious em em a ni hei hi. Chuvangin he zawnna lo chhuak hi a tha ang reng viauva, hetiang rawn sawina hunremchang ka tan a awm a, a lawmawm pawh ka ti a, mahse ka sawina thinlung kha min pawmpui ka duh a, ka ngen che u a. Ram leh hnam tan leh Sawrkar mi tan thahnemngaih avanga zawt in nih ngat chuan ka sawi kha in pawmin ka ring a.

Tin, ka sawi ang khan thil ri kan hriat chuan engtiziange kan ti lo thei lova, kan bengvar tur pawh a ni. Amaherawhchu, lungngawilo Sawrkar hnathawk sawiah ringawt hi chuanin i ding teh suh ang u. Tunhma pawhin a awm zauh zauh tawh a, in rawn zawh atang khan ka hre thei mai a ni. Kha Pa lungngawi lo thawnthu kha in pawm mai a, lungngawilo thawnthu hi a tlangpuiin a dik lo fo a ni. Tin, Service matter tih hi thil awlsam a ni lova, Sawrkar hnathawk kum tam tak thawkte pawhin kan Sawrkar a mi ngei te pawh kan Officer te pawhin kum tam fe an thawk chung hianin an hre kim thei lo reng a nia. Ka sawi fo tawh angin kan Sawrkar chu a la naupanga, kan hnathawktute pawhin an hre famkim lova, tih dik loh te pawh an nei reng e ti te pawhin ka sawi thin a ni a. An hna ngawih ngawih Sawrkar hnathawk an nitin hna a nei te pawhina an hriatfamkim loh chuan nangni MLA leh kei hian kan hre famkim lo viau ang tih chu kan pawm hi a fingin ka ring tlat a ni.

Amaherawhchu, heitiang zawnna zawh hi discourage ka tunna pawh a ni lo. Amaherawhchu ka advise che u chu khatiang in hriat khan uluk deuh hlekin a background thil ulangin; a Department a mite zawh mai tur a ni a. A complain tu mimal kha chuanin thawnthu pakhat chauh a hrilh ang che u. Tin, Minister pawh kan awm a, min rawn zawt thei a, englaipawhin kan in hawng a. Tin, kan hrilhfiah theih loh pawhin Department Head kan ko mai anga, kan sawifiah mai ang a. Chutiang chu heng thil hi kan approach nisela. Chuti ni lova motive dang nei a khawinge tia Assembly Session kan ko ta bawk a engnge Hall-ah Gallery a mi an tam deuh ni a zawh tur tia Political thil ngaihtuah a Minister concerned ka han ti mangang deuh teh ang tih a; khang kha zawng a tangkai lo a ni. A dik takin a tangkaina a awm lova, a dik tak phei chuan a titu pawh kha a mualpho theih nghe nghe a nia.

* PU B. LALCHUNGUNGA: Pu Deputy Speaker, ka zawhna pakhatmah a la chhanglo. ITC la ten Liason Officer ten an kalna tur train tricket an buk sak yek tur a ni tih kha a dik em tih kha ka zawt a. Tin, Department khat rau rau a Staff thenkhatte hnena advance an kut a pek a, thenkhat thawn sak si kha rual tlang zawka, dan in anga tih a tum em tih ka zawhna te kha min la chhang lo tlat mai ka ti.

BRIG. THENPHUNGA SAILO : Pu Deputy Speaker, pakhat kha ka CHIEF MINISTER han chhang anga, entirnan dan a nih ang tak chuan rinawm tlang vek ila chuan a mimal individual khan pawisa a draw anga heta tangin, a zin anga Railway-ah ticket a lei anga, a kal anga a lo haw leh anga a claim leh anga chuti mai chu a ni. Nimahsela kha kha an ti thin si lova, chumi chu a check na turin Department Head ten kawng an dap lo thei lova. Tichuan hei tul lo takin mahse tih loh theih si loh te pawh a ni a. Chief Secretary in Circular te a siam a. Tunchinah chuan mimalin ticket pawh an lei lovang, Department Head in an lei sak anga, tiin pawisa an handle te kha an duh tawh lo a ni. Pawisa kha kan duh lutuk a; pawisa handle lova ticket an lak sak chuan an misuse thei lovang tih beiseiin a han ti a. Chuti chung pawh chuan kan la misuse tho a nia. Ticket kha an han pe a, Silchar an zuk kal a, an chhungte hruai chuang lo khan, Railway leh Indian Air line nen in cooperate in an ticket lei kha ni hnih emaw ni thum hma a a cancel chuan a refund tur a kha a tam viau a, reduction kha a tlem viau a ni. Chu chu a la hlawk ta tho mai a, refund a rawn la a, khatiang kha a tam em em mai a ni.

MIA zahawm tak khan ka zawhna a la chhang lo a tih kha chu a ka chhang seng lovang. Thil hriat chian in duh tak tak chuan, Office ah lo kal langin, GAD mite nen kan hriah leu ang che u. Chu ai chuan hemi zawhna i chhanglo tih ai chuanin ka sawi kha min pawmpui ulangin; a zehthlak lutuk tawh kan ram nungchang hi. Dik takin zawhna in zawh hian a tangkaina ai chuan a tangkai lohna a tam zawk a sin. Sawrkar hnathawk thil tih soal tum thenkhat in an fuihpawh tihna a ni. A tangkai reng reng lo hei hi, hmangaihna a ni lo, thahnem ngaihna pawh a ni lo, rinawm loh leh zualna kan in zirtir mai mai a ni. Chuvangin khang zawng zawng kha i hrechiang duh a nih chuanin nakinah pawh i duh chuan englaipawhin lo kal mai rawh. Chief Secretary leh GAD ka ko anga, example tam tak an pe teuh mai ang che.

DEPUTY SPEAKER : Engpawhnise Member tena kan hriat tur chu zawhna reng reng House a zawh hi kan tih tur a ni a. Hei hi ram rawngbawlina a ni a, House a zawh hi kan tih tur dik tak kan right a ni tih kha kan hriat tho a pawimawh a ni. Pu Rammawia.

* PU H.RAMMAWI : Pu Deputy Speaker, Chair address
lova, mahni mi mal in address
kha a mawi chiah emaw chu ni aw
ka ti deuh a. (Deputy Speaker : Tih sual palh a ni ang).

ER IG.THENPHUNGA SAILO: Pu Deputy Speaker, ka thin a
CHIEF MINISTER ur deuh a ka ti sual a nia.

DEPUTY SPEAKER : Aw le, kan zawhna hun a tawp a,
tunah chuan Business dangah kan
kal tawh ang a.

* PU SAINGHAKA : Pu Deputy Speaker, engemaw
Business dang a kan kal hmaw
Short Duration discussion neihna
turin hun ka dil che a, kha kha min pe thei angem tih ka
han zawt hmasa teh ang che. Post Graduate Student Union
election chungchang thua buaina awm engemaw Shillong-ah?

DEPUTY SPEAKER : Nia a pawimawh khawp mai, mahse
hei hi tunah hian mi rawn pe
chauh mai a, a engnge thu pawh
ka la hre bik love. Naktuk lamah hun hmasa berah hun
remchangah ngaihtuah nise a tha ang a. Tunah Presentation
of Report tih ah kan kal ang a. Pu Joe Ngurdawla kan MLA
in Sixth Report of the Committee on Subordinate Legislation
a rawn present turin kan sawm ang a. Pu Joe Ngurdawla a
awm loh chuan hei hi chu kan kalsan mai ang.

Tunah Eight Report of a Committee
on Estimate Report rawn pe turin Chairman on Estimate
Committee in Pu Biakchungnunga a authorised a chu chu
lekhka kan hmu a, rawn present turin Pu Biakchungnunga
i lo sawm ang.

PU K.BIAKCHUNGNUNGA : Pu Deputy Speaker, Committee and
Estimate Report pariatna House-ah
ka rawn present e.

DEPUTY SPEAKER : Member hnenah a rawn present a
kha sem nisela (Member te hnenah
a copy chu an sem a) Tunah Items
No.4-ah kal ila. Lushai Hill District Revenue Assesment
Regulation 1953 tih danglam tura Bill Thawhtanni a he House
a introduce kha ngaihtuah phalna Pu Lalhmimgthanga'n han
dil sela. Pu Lalhmimgthanga in-charge Revenue i lo sawm ang.

PU LALHMINGTHANGA : Pu Deputy Speaker, Hmannia he House
MINISTER a kan introduced tawh ang leh House
pawhin min phalsak a, nang pawhin
Chair atanga min phalsak tawh ang khan hemi The Lushai
Hill District Revenue Assesment (Amendment) Bill 1982-na
hi tunah ngaihtuah phalna bakah move ka rawn dil a ni.

DEPUTY SPEAKER : Ngaihtuah phalna a rawn dil a,
remti lo kan awm em ?

* PU C.L.RUALA : Pu Deputy Speaker, hmanni khan
kan sawi nual tawh a, hun tlem
theih dan tur te. Hei kan
hlauhthawn angin kan Bill hi ngaihtuah ngun a ngai dawn
hle mai a. Chuvang chuan kan dan Rule of Procedure &
Conduct of Business Section 77 ang khan mi tam zawkte
ngaihdan hriatna tura Circulate nisela a that ka ring a.

A chhan chu Hei han chhiar ila a
aim of object te han chhiar chuan thil awmang tak pawhin
a kal thei a. Mahsela ngun leh zuala han ngaihtuahin
Mizoram-ah Lei man pe sang ber te chu kan mihausa te,
thlakhata a sing chu sawi loh a nuai tela la lut te, tin,
Class I Contractor te, chungte chuanin Proffesonal Tax
Rs. 250/- kum khatah an chawi thin a. Chung chu kan
chhiah pe tam berte chu an ni a. Chutihlaia kan Lo
neitute Huan neitute kum khata an thar, an hai chhuak
dawn nge dawn lo tih pawh hrelo Rs. 450/- te kan chawitir
dawn tihna a ni a, Bigha 15 Leilet nei hi an tam a ni.
Chungte chuan Rs. 450/- an chawi dawn a, Aizawl a mihausa
ber a kan ngaihte, a hnamdang mi a kan ngaih Coa te ang
te pawhin Rs. 250/- aia tam an pek loh lai pawhin kan Lo
neitu rethei te te in Rs. 450/- chu aia tam pawh chu a ni
dawn a, chung an chawi tur chu a dik dawn loin ka hria a.
Chuvang chuan hei hi mipui ngaihdan hre hmasa lova
hetianga sawi vak hi a tha pawhin ka hre lo. (Deputy Speaker:
Kha kha chu nakinah a la rawn sawi dawn a House-ah) Aw
Pu Deputy Speaker, mipui ngaihdan chiang zawk a kan hriat
theihna turin hei hi Circulate hmasak a thain ka hria.
Chuvangin sawiho mai lo ila tih ka rawt a nih chu.

DEPUTY SPEAKER : Chuti a nih chuan kan Minister
hemi Revenue in-charge khan
Bill ngaihtuah phalna a dil a.

Pu C.L.Ruala khan ngaihtuah loh i duh a ni maw ?
(Pu C.L.Ruala : Aw Pu Deputy Speaker, ngaihtuah loin
Circulate phawt ila, chutichuan nidangah la ngaihtuah
nisela tih a nih chu hemi kan dan ang hian. Introduce
tawh a ni a, ngaihtuah phalna a dil a, chu chu hetah
hian ngaihtuah nghal mai theih (a)-na emaw (b)-na emaw
chuan (a)-na ang chuan kan ngaihtuah nghal mai thei a,
(b)-na ang erawh chuan select committee kutah pawh kan
dah thei a. (c)-na ang hian i kal teh ang u, mipui
ngaihdan ila hmasa teh ang u khai kan ngaihtuah tur hi a
rura deuh e, i ngaihtuah thut thut lo ang u ka ti a nih
chu Pu Deputy Speaker).

Chu a awmzia chu kan hrechiangin ka ringa, hemi Bill neitu Pu Lalhmingshanga Minister kan hriat tawh ang khan Thawhtanni khan a rawn introduce tawh a bill kha. Vawinni hi ngaihtuahna ni atana khami ni a kan fixed kha a ni a. Tahchuan a Minister-in-charge in ngaihtuah phalna a rawn dil a, Pu C.L.Ruala khan a he thil hi a serious deuh hlek a, chuvangin Public Opinion la ila tiin rawtna thar a rawn siam ta a ni. Engngeni ngaihdan dang a awm em ?

* PU BUALHRANGA : Pu Deputy Speaker, thil pawimawh deuh mai a ni a hei hi. Chuvang chuanin hmanhmawh chuk chuk chi chu a ni hauh lo mai a. Engpawh nisela kha kan MIA zahawm tak rawtna ang khan han Circulate dawn ila, Public Opinion te han hre tak tak turin engngeni he House hian kan neih thin aw tih te kha ka han ngaihtuahin kei a ngaihna ka hre mang vak lova. Hetah pawh hian kan ngaihdan te chu sawiho ila. Amaherawhchu, Select Committee ah te pawh a refer leh theih a. Tichuanin Public Opinion han hriat tur chuan heta han sawiho te pawh chuanin pass nghal mai loin sawiho phawt ta ila. Chu chu chuta tang chuan Public discussion ah a lo lut ve nghal mai ang a. Chu chu a kawng mai awm mange aw te ka ti a.

DEPUTY SPEAKER : Ngaihtuah phalna a rawn dil a, kha ngaihtuah phawt ila tih tlukna chu kan sawikhawm atang khan tih nise i ti a ni maw ? Engngeni Pu C.L.Ruala kan Member (Pu C.L.Ruala : Chu chu a tha mai ang). A nih leh chuti a nih chuan Pu Lalhmingshanga a Minister-in-charge khan ngaihtuah phalna a rawn dil a. Kan remti tlang a ni lawmni? (Member te chuan rem an ti tlang a) Ngaihtuah phalna a rawn dil tawh a kan remti a. Chuti a nih chuan he Bill (The Lushai Hill District Revenue Assesment(Amendment) 1982) hi han move turin i lo sawm ang.

PU LALHMINGSHANGA : Pu Deputy Speaker, hei hun lawmawm MINISTER tak Amendment Bill ka rawn putluh move theihna hun min pek avang hianin lawmthu ka han brilh phawt che ang a. A hmasa berah chuanin Member zahawm tak tak ten an rawn sawi entirnan Tlungvel constituency member te leh Serchhip constituency member tena an rawn sawi kha a dik khawpin ka hria a. He Bill hi thil ngunthluk taka ngaihtuah ngai a ni a, hmannia ka introduce tih atang pawh khanin mipui khawihthu tur a nih avangin hetah House-ah member ten Opposition emaw Opposition lo emaw zawnga la lovin kan ram chungchang thua ngaihtuahna serious taka ngaihtuah an duh thu te a rawn rik avang khan lawmthu ka rawn hrilh duh leh a.

A Bill thu hrim hrim-ah hian a awmdan a chu hetiang hi a ni a. Hemi The Lushai Hill District Revenue Assesment Amendement kan tih hi Amend ngai nia Sawrkarin a zuk hriat dan tlangpui chu. Khami Bill ah khan a bill a kha 1953 a mi a ni a. Hruaitu hmasa hruaitu hlun te leh Zoram lo kaihruaitu tena ngunthluk taka ngaihtuahna hmanga an lo siam a ni a. He Bill hi Bill tangkai tak mai leh kan ram pawhin a chhawr leh thil tha ber a ni a. Khatah khanin Section 3 kan zuk en chuan a dan tlangpuiin Sawrkar mipui aiawh, Sawrkar lo ding ta chuan mipui hnen atangin Mizo tawnga Chhiah kan tih ang te a nia nga, Lei man kan tih ang te a niang nga. Khatih lai hnan mipui dinhmun leh a ram chhunga thil man to dan te leh a pe tu tur ten a an harsat pui dan leh an harsatpui loh dan tur te kan hruihu hmasa ten ngun taka thlirin rate chi hrang hrang, Huan chungchang thua te, Dawr chungchang thua te, In-ah te an lo siam a. Tichuan, 1953 atang khan vawiin ni thlenga kan chhut chho chuan hei kum 30 a ral dawn ang deuh a lo ni ta a. Tunah kum 1982 ah kan ding a. Thil man te a lo to chho-in tin, khatihlai hun a pawisa a van thin ang te zuk ngaihtuah chuan Mizoram-ah te pawh pawisa te a lo tam chho ve zel a.

Tin, khatihlai hun vek khan District Council in hemi Mizoram hi min awp thin a. Tin, D.C. a awm bawk a, Assam hnuaiah kan awm bawk a. Chumi hunlala Office lamah te leh khatiang Office hnathawktu te mipui tana hna han thawhsak tu te an chhawr a te ang te pawh kha a la tam tham lova. Tunah hi chuan Sawrkar hnathawkte pawh kan lo chhawr tam ta a. Chutiang ang a thil chi hrang hranga zuk ngaihtuah khan hemi Revenue - Assesmentah chauh lo pawh thil chi hrang hrang Assesment kan nei ta hian tih danglam ngai tam tak a awm a. Department hrang hrangah pawh kan lo ti danglam a vawi enggemaw zat. Entirnan-ah Work Department lo ti ila, khatihlala Schedule of Tribes tih ang te kha chu tunah hian han hmang leh dawn ta ilangin, engmah hna kha a thawh tak tak theih tawh loh tihna a ni a. Chumi ringawt pawh chuan engemaw a ngaia 1953 a kan hotutena an lo rel tawh leh Sawrkar-ina an lo hman tawh anga pawm ngawt ngawt a kha tunah hian a fel ta ber lo a ni tih chu a entir Chiang hle in a lang a. Chuvang chuan hemi Amendment Bill a hi ruahman a rawn ni ta a ni.

Tin, a pawisa thu hrim hrim ah hian example han sawi ta ila. Khatihlai khan entirnan hei Leilet kan tih anga te hian Bigha khat (1) ah kum khatah Leilet neitu khan Duli (50p) chawi tura tih a ni a. Amaherawhchu tunah hian Duli chu Office tana income tur ang pawh khan awmia nei tham vak tawh lo a ni a. Khatih hun lai kha chuan Patling inhlawhfa khanin Re.1 (chengkhat) te emaw te an hlawh pawh a ni anga, Tunah a tha zawng pawh chuan lo chhut dawn ta ila, tunah chuan minaran patlingin cheng sawm leh panga te emaw te kan lo hlawh tawh a. Chuvang chuanin Sawrkar kalhmang inruahman chhoh zel dan kalhmang hrim hrim ah hian heng ang ho a hi a ngaia dah reng aiin hemi Khawvel ke peri zel mil tawka dah chhoh kha Sawrkar chuan a tih tur a ni ah a ngai a. Tunah hian hetiang proposal hi a rawn siam ta a ni a.

Tin, chumibak leh ah chuan thil pakhat House ina member zahawm tak tak tena in hriat a kan hriat tlan tur chu in hre vek tawh nghe nghe ang a. Hei 1972 a Union Territory a Mizoram kan han luh hnu ah hian State puitling la ni lo mahila, keimahni in in relbawlina kawng tam takah kan nei ta a. Kan ramah mipui te tana tangkal tur, Development activities hrang hrang Permanent assest siam turin Sawrkar chuan hei hna a thawk a. Kawngpui sial te, tin, In sak te, tuikhur siam te, tuilak te, tin, entirnan Kawlphe tha siam te leh in pek te, kang zawng zawng kha mipui vangtlangin kan intawm a lo ni a. Chutiang ang atan chuan hei Plan Period a tawp apiangin, Five Year Plan Period a tawp apiangin Central Sawrkar ah te kan ram in a Plan lo kal leh tur pawisa kan mamawh a te kha hetah proposal leh scheme te siamin kan keng thla ve thin a. Central Sawrkar pawh hianin hnamhnufual kan nihna lai leh ram harsa bik, a bika enkawl tul kan nihna lai a hi chu chiang em em in min hriatpui a. Mahse chutih rual rual chuanin engpawh lo niselangin, nangmahni a sum leh pai zawi zawi a in hmuh chhuah chhoh theih dan tur a hi a kawng lo dap thin ang che u, tih hi min chah chamchi thin a ni. Kha kha in phutna chhia pawh a ni hauh lova, entirnan kumina kan Budget te ang te kha han thlir ta ilangin, Plan ah chuanin kumin a kan total allocation a zavain Vaibelchhe sawmnhih leh pakua ang vel kan lo nei a. Non-Plan ah chu aimah a sang kan lo nei a. Tin, keimahni Plan Programme plah lamah Central Sponsore te leh NEC Scheme te nen veka kan lak khawm phei chuan kumina kan Budget kan pass tak te pawh kha a Vaibelchhe tel a chhiarin Vaibelchhe sawmriat chuang zet a ni ta a nih kha.

Chutih lai chuanin keini pawh hian kha leh tui tha ti mai ang, nihna thinlung atanga zuk thlirin keimahni theih ang tawk tawkah chuan kan mipui te dinhmun ti harsa chuang si lova. Hei hi heti lai hmuh chuan kan lo thawhehhuah ve theih tawk a ni kan local resources, kan populate ve theih tawk a ni tih ang a thu sawi theih han neih ve te hi chu a Mizoram State tan hrim hrim pawh Central-ah te pawh min phut dan a chhia ni lo mahselangin, thatna leh thatna inlawm a nih ve theihna lai te, a lo awm ta a. Chuti lai thlir pawh chuanin tunhma a keimahni in kan state a kan resources han tih pun ve deuh hlek kha chu Sawrkarin thil tul ve ni pakhatin a hria a. Chutiang angah chuan entirnan hei Indirect Tax thil thar te emaw lo han ti dawn ta ila, Mizoram mipui pumpui dinhmun te kan thlir leh, vawin niah kan ramin engmah thil siam chhuahna lam Industries emaw kan ram leilung hlutna hai chhuahna lam, khatiang ang produce kha a la neih bawk si loh avang khan a dangte chu han ngaihtuah theih chi chiah pawh a ni lova. Heilala keimahni Tax Revenue lo awm ve tawh sa, a hran a hrai ni lova a Rate zuk siam that, tuna privaling market prize kan tih ang te nena inmil a han siam that kha kawng in hawng chhun a chu niin Sawrkar chuan a hria a. Chuyang chuan thil thar zuk ni lo khan a awm tawh sa a rate ah khan zuk tihdanglam a kha tuna ka rawtna hi a ni leh ta a ni.

Tin, a point pathumna leh ah chuanin kan hriat reng tur chu eng Sawrkar pawh hi lo niselangin a lian emaw a te emaw India Sawrkar a ni emaw. Entirnan zau zawkin Khawvel Sawrkar dang te pawh lo la ta ila, USA te pawh lo nise a tuamah hian mipui te tana Development han buatsaih tur hian Van lam atanga pawisa. fai han tawngtai tla thei Sawrkar an awm loh avangin mipui te thatna tur vek a zuk in hmang tam tur khan heng resources mobilisation kan tih ang a hi chu an tih makmawh a kha a ni ta reng reng a. India pumpui kan thlir te phei chuan tun Sixth Five Year Plan a nih dawn te pawh khon engtiang ang in nge India mipui te hi an lo than anga chuta tan an mamawh tur chu Sawrkarin engtingge a pek ang tih ngaihtuah turin Prime Minister zahawm tak chuan Revenue Minister te leh Finance Minister te pawh min ko khawm a. Chuta a thu sawi te chu a ropui em em in kei ka hria a. Heng ang lehkhabu a tax tia kan han koh thin a hi a nihna takah chuan mahni leh mahni in tanpui, chenna khawvel nuam zawk leh changkang zawk siamna tur atan a tih a ni a. Chuvang chuan hei hi tuman chumi piah lamah thil tum a awmah ruat suh ang che u a ti hial a. Chu chiah chu a lo ni ta a, Mizoram te pawhin Central lam atang chuan hei tanpuiina kan hmu tha em em a. Kan hnufual zia hriain entirnan kum khata kan Budget ah hian za zel a sawm pawh tum lo tak tak hian min pen chhoh pui a.

Mahse khatih lai khan keini pawhin heti laiah keimahni chhungkua theuh kan theih ang tawk te te khawsak harsat phah nan hmang chuang si lova, Sawrkar a kan lo vawm luh ve hi chuan tumah dang kan va tanpui lova, keimahni leh keimahni kan in tanpui a. Mahni leh Mahni kan in tanpui a, mimal-in kan khawlkhawm teuh a kan siam theih loh kawngpui te kha kan sial a. Chutiang chuan mipui vangtiang tan vek hman let a ni thin tih kan hriat a ngai a. Chuvang chuan member zahawm tak te pawhin heng hi min han ngaihtuah pui naah Sawrkar thil tum ah khan kan chian tlan ka duh a. Keimahni leh keimahni in tanpui nan, Zoram development atan, Mizoram-ah awlsamna tam zawk leh thil tha zawk a lo chhuah theihna tur atana tih a ni a. Chu chu a main spirit chu a ni zawk nghe nghe a ni.

Tin, hemi kan han tih pawh hian a dik chiah chuanin zau tak a kan sawi a thain ka hria a. A bul deuh hlek atangin ka han sawi ang a. Hemi kan ruahman hnuah hian member hrang hrang te hnenah engnge ni comment in neih hetiang ang hi, thil sensitive thil a ni a, tiin kan MLA zahawm tak tak te hnenah copy kan rawn pe a. Amaherawhchu, written comment kan tih ang a kha kan dawng let chiah lova, a theih theihna te phei chuanin mimal te hnenah pawh ti ti na angin ka neih pui nual che u a, in hre theuh in ka ring a. Amaherawhchu, heta Sawrkar-ina kan rawn buatsaih a hi a tha ber e, a fing ber e tiin hei hi kan pulut hauh lova. Member te ngaihdan ah kha kha a awm dawn a ni a, a rate a te ang pawh hi ngunthluk taka thlir a tha anga. A rate kan siam thenkhat te hi a fuh mai thei, a fuh lo mai thei, chutah chuanin kan sawiho chhohnaah hian kan mipui te dinhmun hre rengin Sawrkar ai chuan Member hrang hrang te pawhin mipui te in contact hnem zawk a.

Chuvang te chuan engngeni an dinhmun, engnge ni an tan harsatna kan siam a ngem ? tih te kha frank tak leh open taka minrawn sawipui ka duh a. Tin, a tir bera ka sawi tawh ang khanin meber tena he thil hi thil uluk tak leh ngunthluk taka tih ngai a ni tih kha Sawrkar lam pawhin kan pawm em em mai a. Chuvang chuanin rawtna chi hrang hrang enchian leh zawk a tha e mipui ngaihdan hriat a tha e in tih ang a te pawh kha engmah object na kan nei lo.

Amaherawhchu, kan tum tur zawk a chu hetiang ang thil reng reng a hi mahni leh mahni intanpui nan, Mizoram Welfare atan a ni tih kha kan zavaia thilungah awm sela. Chuti-chuan House ina hemi sawiho min phalsak ang khan Member ten hei hi ngunthluk takin sawiho ila, hlawk takin sawiho ila, a hmanhmawh pawh hmanhmawh lo ila. Hei hi i ti thlu mai lo ang u kan tih pawhin hemi House zahawm tak thu hi a time fix tur chungchang thuh leh khangtiang thu reng rengah pawh khan. Tichuan, sawihona min phalsaknah khan ka lawm a, tunah he Bill hi Pu Deputy Speaker, ka moved a, member ten an finna leh an thiamna te hmanga min tuaipui chhoh ka beisei em em a ni.

DEPUTY SPEAKER : Member ten kan hre chiangin ka ring a. He thil hi kan study ngun bawk a, tha kan ti emaw kan chhut ngun bawkin a rinawm a. Teh hian sawi thuh kan duh mai thei a, sawi duh tur hi kan tam em i han phar chhin teh ang u. (Member ten ban an phar a) Kan sawi duh vek mai dawn a ni maw, eng chen nge hun kan tih ang ? rawtna han siam teh u.

PU P.B.ROSANGA MINISTER : Pu Deputy Speaker, kan sawiho khan kan dan thu hi en chian tha in ka hria a. Nichinah member zahawm tak Tlungvel bialtu in a rawn sawi kha zuk enchianin thil ngaihtuah hmasak tur awmin ka hria a. Heng motion kalpui dan tur a, b, c, te hi a eng berah nge kan dan Bill neitu khan mi hruai a tum tih hi kan ngaihtuah hmasak tulin ka hria a. Nichinah khan member zahawm tak pakhat khan a rawn rawt loh tur a rawn rawt khan thil a ti confusing viauin ka hria a. Hetah hian member neitu hian he kan bill hi Assembly hianin vawiin niah hian ngaihtuah nghal mai turin a move nge, nakinah la ngaihtuah turin tih chu (a)-na a ni a.

Tin, (b)-naah chuan select committee hnenah pek rih a rawt nge ? Tin, a pthumnaah chuan mipui te hnenah ngaihdan tam zawk kal turin tih kha nge pass nghal turin ? nge a move tih kha a sawi miah lova kan Minister-in-charge khanin, Specific takin a sawi reng reng lova. Engang takin nge mi kalpui a tum, mi pass nghal pui nge a tum a, future date a la ngaihtuah turin tih a kha (Deputy Speaker : A sawi chiang a amah khan hei hi han sawi phawt ila, kan member ten ngaihdan dan an tih a kha tha ka ti mai a ti a). Ni lo, kha kha kan dan kal zelah khan khami a kha vawina ngaihtuah chian tur a nih loh chuan kan sawi thei mai lo.

DEPUTY SPEAKER : Kan Minister concerned zahawm tak khan heta kan member zahawm tak zawhna kha han chhang se a tha ang.

* PU JOE NGURDAWLA : Pu Deputy Speaker, a sawi chiang zo vek tawh a lawm kan Minister chuan. Member te ngaihdanah a dah tawh a lawm, pass nghal kher loh pa-whin a tih theih a lawm.

PU LALHMINGTHANGA : Pu Deputy Speaker, a rules ah MINISTER : khan kan zukin base hranpa lova; Amaherawhchu tah hianin kan sawi anga, House hianin engpawh nise zau takin sawi ila. Chutah chuanin Select Committee ah i dah ang u in ti a nih chuanin ka hnial chuang lo. Tin, mipui hnenah hei hi engnge ni i enchiang ang u in ti a nih pawhin ka hnial chuang lova. A time factor ah chuan tunah hian kan pass nge pass lo tih chu engmah objection ka nei chuang lo. A chhan chu ka zuk sawi tawh ang khan hemi enhancement a hi amendment a hi chu tih mak-mawh a tih a ngai a.

Amaherawhchu, a rate a te erawh hi chu exam chian a ngai ta a. A chhan chu ka sawi tawh ang khan comment kan dil a, written comment chu kan hmu chuang lova. Tichuan, department ah kan process a, chuan cabinet ah kan ngaihtuah a. Kha khanin hemi member tute emaw supreme authority neitu te thialung kha an duh dan ang a ni em, ni lo em tih a kha kan zuk hre pha tak tak tawh chuang lova. Chuvang chuan zau takin sawi ila, tah chuanin a hei hi chu i pass rih lovang u in ti a nih pawhin object hran ka nei chuang lova. A nih loh leh midangin enchiang sela select committee ah i dah ang u in tih pawhin objection ka nei chuang lova.

Tin, mipui hnenah hei hi an re-action thlir nan i dah rih ang u, Session leh atana pass ah rawn introduce leh mai rawh in tih pawhin kei chuan objection ka nei chuang lo. A rule ah erawh kha chuanin a dik chiahin ka thorough lo em em a kha kha.

* PU C.L.RUALA : Pu Deputy Speaker, a move tawh kha chuanin select committee ah kan dah thei dawn lova. Kha kha chu kan dan ah hian a chiang tlat mai a, a,b,c, kha a awm tlat mai a. Chuvang chuan Circulate theih pawh a ni dawn tawh lova. Chuvang chuan a nia ka rawn sawi hmasak kha, a tir deuh khan ka sawi loh tur deuh pawh a ni mai thei a. Mahsela move a nih kha chuan move a ni mai a, kan sawi anga pass nghal leh pass nghal loh kha chu thudang nisela, (a)-na angin a rawn move a discuss nghal turin, chu chu khatianga move tawh kha chuanin (b) emaw (c) emaw kha chuan a kal theih tawh loh.

PU P.B.ROSANGA : Pu Deputy Speaker, tah hian chu
MINISTER chu a chiang a, chu chu a nia ka
han refer kher a kha. A chhan
chu (a) ah kan kal dawn a nih chuan (a) ah hian
alternative pahnih a awm thei a. Ngaihtuah nghal a pass
emaw, Future date atana khek theihna kan nei a. Chumi
a nih tawh loh chuan a motion tu in a a sawi ang chi ah
khan kan pheik kal mai thei lo a ni.

DEPUTY SPEAKER : A dik a lawm chu chu, nakinah
a Minister a khan a rawn demand
anga, a duh dan te pawh a rawn
sawi anga, a tawp ah a sawi leh dawn tho-va. Chutiang
chuan ti ila, tunah sawiho-na i tan mai ang.

* PU HIPHEI : Pu Deputy Speaker, chumi hma
chuan Minister khanin pass pui
angah min sawm a kan ngaih
phawt loh chuan sawiho kha a harsa tlat a ni.
Amaherawhchu, pass pui ah min sawm a, chu chu kan pass
pui thei lo tur kha chu thu hranah dah ila, pass pui-ah
min sawm phawt loh chuana introduce angin min pass pui
rawh u tia a move kha a ngai a. Khati laiah khan thu
laklawh a awm ve a, a ni khan khatiing khan chiang tak
khan a sawi baw si loh avang khan kan han sawiho turah
hian pass puiah min dil angah kan ngaih a ngai a ni.
Tichuan, ngai phawt mai ila kan duh leh duh loh chu thu
hranah dah ila. Chuti zawng chuan amah khan sawi lo
mahse chutiang chuan ngahsak te ila a duh a ngem ?

PU P.B.ROSANGA : Pu Deputy Speaker, a rem lovang
MINISTER kha kha. Engpawh nise kan member
Bill neitu khan a thorough loh
thu pawh a sawi a. Amaherawhchu enganga mi kalpui nge
a duh tih in ngaihtuahna hun kha pe ila a dik zawkin ka
ring a. (Deputy Speaker : A rawn sawi chiang tawh
khan ka hria a). Mahse a sawi ang ngawt kha kan danah
a kal theih loh a ni clear-cut ah kan kal a ngai tlat ani.

* PU SAINGHAKA : Pu Deputy Speaker, khalai thuah
chuan 77-na kan rule (a)-na
ang khan a move ah ngai ila.
Kan sawiho anga, wawiin niah a ni emaw tun Session-ah
a ni emaw kan pass leh pass loh chu 78 ang khan thil
a thlir anga, chutiang ang chuan a la tih leh theih tho.

DEPUTY SPEAKER : Kan dan (a)-na ang khan kal i
la a ni ta a nih chu. Tunah
General discussion i tan ang u.
(Pu Saikapthianga : Pu Deputy Speaker, kan Bill neitu
khan pass pui a min sawm baw si loh chuan a withdraw
mai zawk dawn lawm maw ni le ?). Tunah member te a sawi
duh apiang Pu C.L.Ruala.

* PU C.L.RUALA : Pu Deputy Speaker, kan Minister -in-charge zahawm tak khan he bill a rawn put luhna' chhan te House hmaah chiang takin a sawi tawh a. Tin, helaiah hian a tha ber leh a tha ber lo dan tur pawh thlir pui turin member te min ngen a. (Deputy Speaker : Lo ngawi lawk la, minute engzatnge kan tih kha ? sawihona a tan khan. Minutes ruk (6) a ngai em ? in duh rei anga Pu Hiphei-a pheii chu rei deuh i ti mai anga). Minutes sawm (10) a tawh mai ang. (Deputy Speaker : A tawh mai em? minutes sawm (10) ah ti ila, mahse minutes sawm kher sawi lohah kan ti ang a. A tlangpuiin tuna kan sawi tur a hi chu a clause by clause in sawi lo ila) Aw a tlangpui a sawi ka han tum ang e, Pu Deputy Speaker.

Nichina ka sawi tawh ang khan ngaihtuah ngun a ngai hle mai a. Tin, kan Minister-in-charge khan MLA te hnenah written comment te pawh nei turin kan thawn a, mahse engmah kan hmu lo a ti a. He copy hi kan lo hmu ve hauh lo mai a. Chuvang chuan engmah comment kan pe lo a ni, chu chu min lo hre thiam sela. Hei Tax chungchang thua hian mipui in zirtir fin pawh a hun a. Chhiah tam zawk kan neih ve chu a tul a ni, chu chu tuman kan pha lovang. Mahsela engangin nge chhiah hi kan lak ang tih erawh chu ngaihtuah ngun a ngai khawp mai a. Dik takin ram hrang hrangah a ni ang, khawvel ram hrang hrangah mi rethei te hi mi hausa te thliin kan nung deuh ber a ni. Mi rethei te chuan chhiah chawi tur pawh an nei meuh love. Chuvangin mi hausa ten chhiah an pek atang khan Sawrkarin pawisa hman tur tam zawk a nei thin a, chu chuan kan nung a ni.

Chutiang chuan India Sawrkar pawh hianin min ngaihntiamna a zau hle in ka hria a. Kan IAS Officer te meuh pawh, tin, kan dawrkar hausa te pawh income tax in awl vek a ni. Chutiang a min awl lai chuan hei 1953 vel bawh khan kan hotu ten an ngaihtuah a, chhiah engemaw chu an lak ve a tul tih chuvang chuan engtinngge chhiah kan lak ang an ti a, Professional Tax te an tia. Chutah chuan mihausa ber pawhin Rs.250/- aia tam chawi lo turin an lo ruahman fel a. Tin, ram leilung thua chuan Aizawl leh Lunglei chu khawpui a nih avangin Aizawl leh Lunglei hmuna Huan neite hi chu Bigha khatah Rs.5/- atanga Rs. 18/- inkar nisela. Chumi lo khawpui dangte chu Rs. 6/- atanga Rs.12/- inkar nisela tiin a bi an lo thlich a. Hmun dang erawh chu Lo neitu te an rethei si a, Bigha khatah Duli (50p) ni rawh se tiin an lo siam a ni. Chu chu hetah kan dan neih hi kan en chuan a hmuh theih vek a. Chutiang anga dan lo siam ve dim diam chu kan ni a. Tunah hian Pu Deputy Speaker, chhiah tam zawk kan lak chu a lo tul ta a. Chutiang ang a kan in zirtir chhoh loh chuan nakinah State te pawh kan lo ni ve thuai ang tih te pawh kan lo beiseia. Chungah chuan sum leh pai kan lo nei lovang, mi ta ringawt a nun chu a har dawn tih kan hria a. Chutianga kan ngaihtuah lai chuan engvangin nge kan lo neitu te thingtlang khuaah hlir hian chhiah chawina tam tur hi kan bun. Ran khuahkhirhna dan kan ti a an buai zia ka sawi hmannah an buai tak tak a ni.

Chutah chuan chhiah kha a la awm leh ta nghal vek a. Tin, tunah hian ngun taka kan ngaihtuah tur chu kan lo neitu te kum khatah kan khamkhawp kan chhungin kam thar a ngem? tih ngaihtuah a, mangang te Bigha 15 vel nei te, tin, Serthlum huan Serthlum rahna tura kum 4. kum 5 nghah la ngai Bigha 12 Bigha 15 te nei si chungho te chan tur chu ngaihtuah teh u. Helala kan mihausa ber te pawhina an pek aia tam daih an pekna tur kawng hi ka hre thei lo reng reng. Ka han ngaihtuah ulh deuh pheih hi chuanin a siamtu te hianin kan lo neitu te, Leilet neitu te hi an la rethei tawk lo deuh a, in ti rethei leh deuh ang u tihna rilru an nei emaw chu aw tih ngaihdan te pawhin a ngaihtuah theih rum rum in ka hria. Mahsela chutiang em em chu a nih loh beisei ila.

Tunah hian kan chhiah pun tir dan hi a let sawmrukin kan puntir a ni, a let sawmrukin an phur kan ti rit ta a. Hei hi khawvel ram dangah pawh khawimah a awm lo reng reng, a let sawmruk a chhiah puntir na hi, Pawisa sawmnga (50p) atanga cheng sawmthum a pung. Tin, Huan neitu te chuan a let sawmli in phurrit dang an phurh belh dawn a. Chutiang chuan mihausa te hi ti ve dawn ta ila tih ka han ngaihtuah a. Mihausa Class I Contractor te, leh Dawrkai hausa te chuan tunah hianin hetiang anga Sawrkar chuan chhiah tam zawk an lak duhna hi lo neitu ten phurrit an phurh belh ang bawk hian lo phur ve dawn ta sela, kumtin cheng singkhat leh sangnga an chawi a ngai dawn a ni, An ni pheih chu an la hlawk zawk daih ang, a chhan chu mihausa-in tax a pek reng rengin tunah cheng zahnih leh sawmnga a pek pawhin a thawmhnaw zawrh a man a ti tam deuh a. A leitu ten kan tuar leh mai a ni, a phurrit kha-kan hnenah a rawn hlan hleuh mai a ni. Lo neitu te, Huan neitu te hian an phurrit hlanna tur khawiahnge an neih? Tunah Garden Coloney kan ti a, kum 5 emaw tal tanpui theih kan beisei a, kum thum (3) kan tanpui a kan hnuchhawn leh ta si. Chungte chuan an Serthlum rah na tur kum li (4) an la nghak dawn a. Kum li (4) chhungin kumtin mihausa ber ten an chawi zat emaw an chawi aia tam deuh cheng zathum (300) emaw an chawi ziah dawn chu chu a dik thein ka ring Lova.

•Chuvangin he kan dan siam a hi a lutuk deuh niin ka hria. Chuvangin ngun takin kan Ministry te pawhin ngaihtuah sela. Tunah hianin chhiah tih pun, chhiah tam zawk lak tumna kawngah hian dal emaw sawisel emaw a hranpa a sawisel emaw hi kan duh hauh lo. Nimahsela kan lak a kal dan tur phung a kha engtingge, tutenge hei hi tuar dawn tih kha kan ngaihtuah anga. Chutah chuan ngun takin comission te siamin khawilalahnge kan tih pun ang, khawilalahnge a tih pun tam theih a. Khawilalahnge mipuini an tawrh loh dan tur deuh tih te ngaihtuahin comission in ngun takin rawn ti sela. Lo neitu te ngawt hrem lovin, heti hi chuan lo neitu te lunghnurin kan siam dawn a ni. Anmahni chauh a ni kan tuar tir dawn ni. Chuvangin Pu Deputy Speaker, hei hi pass loh a ngaihtuah that kha a tir atanga ka han rawt ngat ngat na chhan kha ka vei em vang a ni a. Dah that rih hi a tha main ka hria a, chutianga ka rawt ang chuan comission te siam ila. Hei kan sawrkar hianin a Zakaia thlah te kha hlawn in pe tha thei ta lo nge ni Chhiah pawh in khawn tak tak thei lo. In tin lei man te pawh kha heta va pek

tur a ni ta vek mai a ni. Chandmary tlak lam a mite chhuah lam a mite tunah hian an buai em em mai a ni. Mahse kan han thlir chuan a let ngain (5) U.T. tir ai kha chuan a pung tawh si. Chhiahkhawntu pawh kan nei ta lo, engtizia nge ni? Hei pawh hi ti leh mahila Chhiahkhawntu an awm lo anga a riral leh mai mai ang tih te pawh ka ring a ni. Chuvangin heng lei man te tal hi chu a khawntu in siam thei ila chu lo chu chhungkawtin heta Republic Road a lei man va pe tur a nikhat hna an thulh thin a pawh hi a hautak lutuk. Vengtinah a khawntu dah teh u chuti a nih loh chuan tuna kan kalphung hi chu a dik tawh lo reng reng. Zakaia thlah te ho kha lei man khawn tur la awm in ka ring a, kang kha an hlawh pek that ni mai sela, in khawn zawm thein ka ring a. Chu chu ka han sawi duh bawk a ni. Ka lawm e.

* PU LAL THANHAWLA : Pu Deputy Speaker, he kan Bill "The Lushai Hill District Revenue Assesment (Amendment) Bill 1982" hi a Principle hi chu tha kan ti a. Tin, heta objection & reason kan en pawh hian a tha a a dik a. Amaherawhchu, a tir phat introduce dawn pawh ni lo se kan han tihna chhan chu thlir that leh ngai awm nia kan hriat vang a ni a. A chipchiar a sawi a ngai lova, hemi a rate han pun dan a te hi a tuar tu chu mirethei te, a tlangpuiin Huan neitu te leh mirethei ti mai ilangin khatiang kha a ni dawn a. Hmun dang tam takah chuan ram changkang zawkah chuan Lo neitu te, Huan neitu te, Leilet neitu te hi mirethei an ni hranpa lem lova, mahse kan ramah chuan chutiang chu kan la ni chiah lova.

Chuvangin a tlangpuiin mihausa te ai chuan mirethei ten an tuar dawn a. Chuvangin a leh lamah khan mihausa te kan zuk tax naah khan coresponding inrease te a awm ve si loh chuan heti ngau ngau hi chuan mipui an lungnur palh a nge tih hlauhthawn thu a ni a. Chuvangin a la theih lai khan select committee a refer emaw engemawtia ngaihtuah that ah awm se tihna rilru kan nei zawk a. Engpawh nise a Principle hrim hrim a kha a dik kan tiin tha kan ti a ni. Hei kan hriat theuh angin a thei fa chuan Huan zau pui pui ram hauh nan ang hrim te kan nei hlawm a. A tax (acchiah) kan pek a kha a tlem hlawm em avangin chei mang lo mah ilangin hloh kan nei lem lo a ni. Amaherawhchu, hetia kan han tih pun takah hi chuan kan tih punna ang ang a kha kan lak luh leh theihna turin kan chei emaw tan kan lak te a ngai dawn a. Chuvang chuan kan Huan kan dah idle mai mai te fertilisation tha zawk kan neih theihna tur atana min zuk ti harh tu atan pawh a tha ve hranpa hrim hrim a. Chuvangin hemi principle hi tha kan ti a.

Tin, chubakah State la nih zel te kan in beisei a. Tin, chubakah hetia chawmhlawm nih ringawt te hi a hrehawm a. Hei kan hotu ten in hria a, Plan discussion nikhua eng ilo ah engmah thawk chhuak lo nih te a hrehawm thin zia te in hria a. Chuvangin engemaw ti kawngzawnga kan Revenue Sources te kan tih pun kan dapna kawng hetiang kan hotu ten an rawn ngaihtuah chhuak pawh hi a tha a ni. Amaherawhchu, nichinah a detail in in sawi tawh a, sawi tam vak ka tum lova. Kan zuk ngaihtuah tur zawk a kan duh erawh chu chhiah vawi

leh khata a let sawruk a pung ta thut te, a let sawmli a pung ta thut te hi hei hi a tha dawn em ni ? Kan Sawrkar kalphung atan pawh a tha dawn em ni ? Tin, mipuin 53 daih a siam pawh lo nimahselangin vawin nia increase dangte leh engemaw pawisa hlut leh hlut loh lam te chhutin engemaw chenah a dikna chu awm mahsela. Hemi increase na lam percentage hrim hrim a hi a tam lutuk a ni lawmni, tih ngaihtuahna te ka nei a, keima mimal tak chuan. Chuvangin luna kan kal ang ang hi chuanin hei kan Socialism policy te pawh hi a kal theih thuak thuak dawn a. Mi hausa te tax pek tura kha a tlem zawk ta dawn a, chuvangin helai hi ngaihtuah that a ngai a ni. Kan Minister zahawm takin a inphal ang khan engtingge kan tih dawn tih chu hriat a har tawh a, tunah chuan dan thenkhat te kha kan kal pel tawh avangin.

Amaherawhchu, engpawh niselangin, Amendment in nge kan tih ang engtingge kan tih ang ? A increase vek a te leh helai khawi khawi lai emaw te hi tih dik a ngai a. Chulai chu a tirphat atanga kan object na lai kha a ni a. Chuvangin he thil a hi committee engemaw tia Sawrkar hnathawk lama kan mi thiam deuh te leh hei kan MLA zahawm tak tak te zinga helam pang ngaihtuah tu deuh te committee siam leh a, a increase dan percentage a te hi ennawn leh a chutianga zau deuh hlek zawk a in rawn a tih a thain ka hria a. Chu chu a tira kan ngaihdanah khan kei ka la rawn tang tang tang a. Chu chu ka han sawi duh chu a ni. Ka lawm e.

DEPUTY SPEAKER : Chumi awnzia chu Select Committee emaw siam a, a nih loh leh tunah hian pass rih loh i rawt a ni maw. A nih leh member dang Pu Sainghaka, a Pu Lalchungnunga hi i sawi tir teh ang nangni lam hlir kha.

* PU B. LALCHUNGNUNGA : Pu Deputy Speaker, ka lawm e. Vawina kan Bill sawiho hi a hlawkria kawng hnih kawng thum a awm thei dawnin ka hria a, lawmawm hle in ka hria. Ni dang ang lo takin Opposition nen lam pawh kan tangrual phianin ka hre mai a, chuvangin ka zuk hmuh dan pawh a sang tlat a ni. Thil tha tak tak hi an lo duh ve a ni tih hi ka hre chiang sawtin ka hria. A chhan a chu Tax (chhiah) tihpun chungchang thuah hianin a Sawrkar tha lo tih dan a ni tia engemaw tia a kheukbeuh zawnga sawi reng reng an awm love. Chhiah tihpun hi kan ram hian a mamawh a ni tih an sawi a, a Principle in an pawm a. Amaherawhchu, a rate thuah chauh khan an buai ve niin ka hria a. Chu chu thil lawmawm tak tak niin ka hria a, kan tangtlang tak tak niin ka hria a. An sawi ang zawng zawng kha dik ka ti vek a, tuna ka han sawi tur pawh hi resitation a ni mai a, ka repeat mai mai dawn a nih deuh avangin tawi te chauh ka sawi anga.

A chhiah tihpun thu hrim hrim ah hi chuanin he statement of objection & reason hianin min convince hmiah mai a, pakhatmah hi sawisel tur ka hre reng reng lo mai a. Tunhma a lo siam hmasa tu tena an

lo siam a hi a tha lo tihna a ni chuang miah lova.
Khanglai ram dinhmun te en leh mipui te dinhmun en khan
an lo siam a hi a tha tawk viau awm pawh a zuk ngaihna
lai ka nei a. Amaherawhchu, kan ram lo thang chho zelah
leh kan ram dinhmun a pawh a lo sang chho zel a, a mipui
a pawh kan lo sang chho zel a. Tun ang hun tawh a khalai
rate a kan la hman reng erawh hi chu a dik tawk lo tih
chiang takin kan hmutlang vekin a hriat a. Tin, chubakah
khulamah Delhi lamah te pawh kan Minister te leh kan
milian dang dang discussion a zuk kal thin te ang te
pawhin a nangni zawng thawhchhuah nei ve miah lo in
ni a, Central a in nghat ngawt ngawt mai in ni a.
Chuvangin in State chhungah khian Tax te ti pungin pawisa
tam zawk hmuh dan lo ngaihtuah ve teh u khai' ti te pawhin
thurawn an lo pe tawh thin niin ka ring a. A lo petu
ten an lo pe a nih pawhin chu pawh chu thil awm lo ah
ka ngai reng reng lova. Kan hriat theuh angin kan ramah
engmah hnathawh chhuah ve tak tak kan nei lova, Central
ah kan in depend tawp mai a ni a.

Tichuan, tuna an ruahman ang
hian chhiah hi lo ti pung ta nisela chuan Nuai sawm leh
singruk leh sangthum vel chhiah pawh kan hmuh belh dawn
niin a lang a. Chu chu ropui tham tak a ni a kan State
tan. Amaherawhchu, nichina sawi hmasatu ten an sawi tak
ang khanin lo pung ta thut niselangin mipui pawhin an
ngaithiam lovang a, an ngaihthiam lo chauh ni lovin a
tuar pawh kan tuar tak tak dawn niin a lang a ni. An sawi
tak ang khan a sawi pawh sawiho lo ila a tha viau a ni.
Heta statement of objection & reason a sawi tel ve loh
thil pekhat kan sawiho a tha em em nia ka zuk hriatna
chhan a chu kan mipui te muthlu hi he kan sawihona ngawt
pawh hian a ti harh ang tih hi ka ring tlat a ni. Ram
Bigha 10 te Bigha 20 dawn dawn te tin, Bigha 30 nei te
pawh kan tam a ni mai thei a ni. Khawpui chhungah pawh,
thingtlangah chauh lo pawh khawpui chhung atanga khawpui
pawna ram zau tak tak va nei kan tam a. Amaherawhchu,
kumtina kan chhiah chawi a tlem em avangin hman loh
pawhin awm mai mai ta ang sela engmah a neitu tan tuarna
a awm loh avangin Rula raw neih mi tam tak kan awm a.
Chungte ang chuan kan ram neih hi hman tangkai a tul a ni
tih hriat chhuah phahna an neiin rinna ka nei a. Chu chu
thil tha tak a nihna kawng niin ka hria a. Amaherawhchu
lo tipung dawn ta ila nichin a kan sawi tak leh kan
ngaihthlak tak ang khan khawpui chhung a mi, khawpui pawna
ram va nei te chuan Sangkhat (1000) pawh ni rawh se,
Sanghni (2000) pawh ni rawh se na ti lem lova pe mai
thei kan awm a ni mai thei. Amaherawhchu, thingtlang
kawh hla zawka ram nei ve si, tin, enkawl tak tak pawh
tum, leilet siam tak tak tum, Huan neih tak tak tum
emaw pawhin vawin niah hian kan retheih em avang leh
sum leh pai kan tlakchhamna avanga enkawl tak tak thei
lo leh a nih tur anga nih tir thei lo leh la enkawl
puttling thei rih si lo te ang khanin kumtina cheng
zanga emaw zakua emaw sang dawn emaw an chawi chuan kha
an ram enkawl puttlin tum a kha an enkawl thei lo phah
hial zawk ang tih rinna ka nei a. State dangah te
chuan tam tak tak pawh an lo chawi a ni mai thei,
amaherawhchu, state dang te chu kan umpa lova, kan sawi
fo tawh thin a. Mipui te pawh an lo changkang tawh a,
tin, an ram hman zai dan leh chhawrbaw dan te pawh an
lo thiam tawh a. Chung an ram atanga an thil thar atang

te pawh chuan an chhiah kha an rul thei anga. Vawin niah erawh chuan kan ram atanga kan thil thar, kan Lo atanga kan thil thar, kan Huan atanga kan thil thar rah nei tak tak engmah a la awm lova. A bul kan tan dawn chauh tak tak a ni a. Bul kan tan dawn mek laia chhiah kan tih pun vak mai chuan kha khan nasa takin kan Lo neitu te a khawih pawh thei dawn a.

Amaherawhchu, a Principle chuan a tha a, a tih pawh kan ti pung ngei ngei tur a ni. Tuma heta kan hmuh anga tam tak mai a a han pung thut tur hi chuan mipul te thinlung a deng chauh ni lovin mipul te hnathawk tha tur, mipul tena an ram an enkawl na tur pawh kha dal tham sun leh pai tih tham in a pung a ni a. Hei hi erawh chu ennawn leh a en that leh a pawimawh viau a. Amaherawhchu, a principle ah chuan Revenue chhiah tih pun hi chu ram in a mamawh ngawih ngawih a, tih ngei ngei tur niin ka hria a ni. Ka lawm e.

* PU SAINGHAKA : Pu Deputy Speaker, vawin ni a kan thil ngeihtuah hi kan kalna chin chinah khan a la mam niin ka hria a. Amaherawhchu, vawin ni a kan sawi tur chu a Principle bak chu a ni rih lo tur niin a lang bawk a. A clause by clause kha chuan engtizarngmahin kan kal thei lo tawh ah ka ngai a. Tuna member zahawm takin a sawi tak ang khan hemi chungchang thu kan ngaihtuah hian kan ngaihndan a inang tlang viau niin a lang a.

Tun March thla a Lushai Hills Taxes tih rik-ngawt mai kan amend tum khan Mizawl khawpui ehunga tax kan amend dan ah te khan four hundred percent velin kan increase niin a lang a. Tun tuma kan buatsaihah hi chuan nichina member tena an sawi tawh ang khanin Leilet neitu te leh Huan neitu te increase na hi a sang fu mai a. Kawngpui sira Leilet neitu te tax increase na kha five thousand nine hundred percent vel a ni chho daih mai in a lang a. Chuti a nih chuan a increase dan hrim hrim principle a hi a tha vakin a lang lova. Tin, a tlangpui thuin Lo neitu te hi a effect berin a lang a.

Tin, Building tih chungchang thu te pawh a lo lang a. Heng Building assesment ah te hian thenkhatah hi chuan a assesment na a lo tam chuan mirethei zawkin in luh tur an lo duh a, anmahni in in hmun an lo nei lova, an luhna rate kha Sawrkar atanga assesment a kha a san chuan a tax a kha a increase ve leh ngei ngei dawn tih kha hriat sa a ni a. Chuvangin a kumin hrim hrim a pawh a effect tur ber a te hei Agriculture release ho kan ni dawn a. Kum 1982, 1983 Agriculture productivity year a Central Sawrkar pawhin a lo puan lai te, tailer socialism policy leh 20 point new Economic Programme te nen a han thlir hian leh Mizoram a mipul tam ber poverty line hnuasia awm kan nih lai a, kan increase nasat lutuk kha chuanin a fel lo thei in a rinawm a. Amaherawhchu nichina kan Champhai bial aiawhin a han sawi tak ang khanin, tunlai hianin kan Sawrkarin buaipui a neih a chu ram neih vak hman that si loh a ni a. Tlemlai khanin Synod Hall

ah chutiang lam thu sawina chu Department lamin an buatsaih a. Khang a an circular rawn siam ah te kha chuanin ram hman loh ram chuang mahse min an hauh si a tam em em a, khang thil te erawh kha chu engemaw zawnga hman that a nih theih nan tih beiseina avanga tax a lo pun hian an hman tha lo a nih chuan an nei lo mai zawnga, tih emaw kha idea a awm a nih pawhin khalai hmanah phei chuan ngaihtuah tur pawimawh tak a awm chuan ka hria a. Chuvangin a principle a hrim hrim a hi a tax increase a hi chu a tha a, hun pawh a hun ve tawh a. 1953 atangin vawin ni thlengin mumal takin tax chungchang thuah hian amendment engmah kan la nei lova, hun chu a hun tawh a. Amaherawhchu, a rate chungchang thu a hi chu kan han sawi neuh neuh in thingtlang a mi tam ber ten an tawrh dan tur te a nasain leh Mizo mipui tam ber retheih dan han ngaihtuah hi chuan nichina kan han point out ang khanin a Principle chin hi sawi ila, a duh leh kan Minister chuan select committee ah pawh chuan dan 78-na hnuaiah khan a refer leh theih tho va. Circular pawh Public Opinion pawh mole tur pawhin thil tih theihna an nei tho in a lang a. Chu chu ka han sawi lang duh a ni. Ka lawm e.

* PI K.THANSIAMI

: Pu Deputy Speaker, tawi te sawi ka tum a, ka sawi tum pakhat chu ka hma a Aizawl

South bialtu member zahawm tak khan a rawn sawi a. Hemi chhiah tihpun tawngkam kan hman pawh hi a dik loh thu nakinah ka sawi leh ang a.

Hemi chungchangah hianin thinlunga lo lang chu, mamawh si lovin ram hauh nan a Huan te an neih vak vak, thenkhatin in hman pawh nei lova kum tam tak mi in luah a, rethei tak a an awmlai a khatiang anga hman hauh nan a a thei fa piangin an lo neih chiam chiam mai a. Thlai kung khat pawh an ching leh si lova, khami siam thatna kha thinlungah a awm niin ka hria a. Chuvang chuanin duli atanga cheng sawmnhin emaw cheng sawmthum emaw a tih chho hi chu tha hle in ka hria a. Tin, chubakah chuanin duli atanga cheng sawmthum emaw a lo kai hian chhiah hi ti pung kan ni lova. Pawisa hlutna hi kumtin hian a tla thla zel a ni. Nikum a a hlutna leh kumin a a hlutna chu a inang lo a ni. 1953 a cheng khat leh vawin ni a cheng khat in hlut hleih zia hi tehkhin phak pawh a ni lo reng reng a. Tin, hei Mizo hmeichhia ho te phei chuanin pawisa hlutna tlak hniam zia hi kan lo hriet khalh daih tawh che u a. Hmanah ken rik luai kha in hria anga, hmana Sawm man cheng sawmli tih pawh kha tihpun ni loin a man ngaia kan han hisap chhuah chuan cheng sangnga kan tih tawh kha, kan lo hriet khalh tawh daih che u a ni. Chu chu kan han chhut dan chuan Sepui man atanga kan han chhut chuan khatiang khan a lo kal ta a. Tunah hian pawisa hlutna chu cheng sawmli atanga cheng sangnga intluk a nih chuan a let za sawmnhin pangain pawisa hi a hlu ta lo a ni. Chutiang chuan kan han chhut leh chuanin Duli atangin cheng sawmthum a lo nih chuan a let sawrukin pawisa hi kan ti tla hniam tihna ang a lo ni ta chauh a ni.

Chuvang chuan Chhiah tihpun tawngkam kan hmang pawh hi a hlutna zuk chhut hian kei a hlutna a la pha lo zawkin ka hria. Chhiah tihhian la ni zawkin ka hria a, hei hi kan in hrih hiah pawh a tha khawp ang. Tin, mahni intodelh lo kan nih avang hian englai pawhin Central ah kut kan dawh a. Hei hi keimahni pawhin theih tawpa an mi ngenna anga kan lo in do kan ve a tha a. Chuvang chuanin hei hi chu sawi danglam a, pawisa hlutna chhut a, tleah tih hian a cheng sawmhni sawmthum vel a heta a ziah anga han dah hi a tha ka ti a. Amaherawhchu vawlin ni tut tutah emaw Thawhtan ni ah emaw pass chu tha ka ti bik chuang lova, mipui te ngaihdan engnge ni kan sawitlang anga, la ngaihtuah leh thain ka hria a. Ka lawm e.

PU K. BIAKCHUNGUNGA : Pu Deputy Speaker, vawlin nia kan thil sawi he Bill chungchang thu hi a pawimawh hle mai a. Kawngnih in a thlir theih ni main ka hria a.

Pakhatah chuan ka hma a sawitua khan a tih pun tih kha a phal vak lo ma a, kawng khatah chuan a pung chu a ni ve miao a, a pung chu ka han ti hawh phawt anga. A lo pun hian a thatna a awm a, a that lohna sawi theih in a awm bewk a. A that lohna kan han sawi hian sawi awl deuh mai leh mipui te khawngaihtu nia mite min hauh theihna tura a duah duah mai a sawi theihna te a in hawng a. Entinnan - heti khawpa kan mite an retheih laia engtizia nge ni heta zo zai lo pun tam hi ka lai a na a ni, han tih chuan a ropui thei hle mai a nia. Mahse khatiang zawng kha vawlin niah hian hei House a kan member zahawm tak te pawhin kan kalpui lem lova. A reality ah kan in ngat vial niin ka hria a, a lawmawm hle mai. Engpawh nise khatiang zawng a zuk chhut dawn khan sawi tur tam tak a awm thei anga, a rate te pawh a sawi theih anga. Tin, kan mipui te la harsat zia te leh member thenkhatin an han sawi angin lo neitu te leh lo neitu te ni lem lo chung a tiak dan te pawh kha ngaihtuah tur tam tak a awm thei ta a. Khati zawng a zuk ngaihtuah kha chuan a pung lem lo zawng emaw kha chu kan duh chuang ta lo tho tho niin a langa member zawng zawng te hian. A pun hi chu a dik a ni pung lo ringawt hi chu a dik love, tih ang kha ngaihdan a nihna zel te kha a ropui ka ti a.

Amaherawhchu, kawng pakhat leh kha han thlir leh ta ila, khami kan han sawi ang ki kha kawng khat chu a pun lampang ni lem lo kha chu kan duh hian lem lo nain. A pung tam vak lo a pun hi nisela, mipui te tawrhna leh engemaw kan zuk sawi hlawn te kha, kawng khata zuk sawi danah chuan a zuk ngaih theih anga. Kawng khat leh ah chuan a that ve hrim hrim na lam tur zawk a kha sawi a pawimawh hlein ka hria a. Sawrker reng reng hi hei kan hre theih a, mipui te chhiah pek atangin a ding a ni a. Zorah mipui hian hemi lamah hian harhvanna lam hi kan la tleahem deuh em ni sawi tih theih a. A thu hrim hrim ah, a lo pung a nih pawhin engnge chutah chuan lo awm tur ka ngaihtuah wang wang a, kawng pawisa ka ip te atangin ka te tam dawn ta e tihah khan ka tawp a nih chuanin kha kha chu a tawp lo nasa la ni.

Zoram thang zelah chuanin ka pek atangin he Sawrkar hi a ding a ni tih hriatna, kha kha vawin nia kan sawihona te hian kan tanna lo niin mipui ah sawi zui zelna thleng thei sela a duhawm ngawtin ka ring. Ka pek atangin, mitinin kan pek a-tangin he Sawrkar ro min rel saktu tur a hi a lo awm thei a ni tih hriatna kha. Ka pek tam chuan he Sawrkar hi ka ta a nihna kha a lo chianguang telh telh dawn a, thil diklo ti Sawrkar hnathawk te an awm pawhin ka ngeng a chhun leh zual ngei ang. Pek ka ngah avang kha a ni mai a ni. Pe manglo a khatia thil a kal chuan ka pek a zeng pawh a ni lova an lo ti a nih chuan tia ngeihsamna kha ram leh hnam tan lo duh mai a ni. Tatu nihna kha keimahniah a awm loh avang khan. Chuvang chuan chhiah miin an pek tam phawt chuan kha chhiah an pek a kha khawiahnge a kal a, Sawrkarin kan zavaiah mitin tan a petu te zawng zawng, Zoram mipui te tan khan i ti ang, chung tan chuan awmze nei takin a rawn hmang leh ta thin a ni ringawt mai a. Chung ang thleng chuan mipui te ah hian chiang taka kan zuk in zirtir kha a pawimawh hle dawnin ka hria a.

Tin, pawisa hi chu hei kan hmang ve reng a ni a. Kan Minister zahawm takin a sawi ang khan Pu Deputy Speaker, pawisa kan hman ve te kha kan thawh chhuah atang kha chuan a tlem em em mai a. Thawh chhuak ve mang si loina pawisa hman zel hi a tha e tih ngawt hi mipui nawlpuih hian kan ngaihdan a nih mai chuan a vanduai thlak hle dawn a ni. A thlawin khawi atangin emaw pawisa kan hmang thin a nih ringawt kumkhua dawn chuan kan hnam kal zel chu a ngaihtuah awm hle dawn a ni. Vawin niah kan la neih loh lai leh kan la retheih miau si chuan Central Sawrkarin heng hi lo hmang ve teh u, an tih a lawm em em a duh loh theih rual pawh kan ni lo. Mimal thil a zuk ngaihtuah phei chuan Thenawmpa in min chawmhlawn ta ringawt mai se engmah thawh chhuah nei si lo khan a ni min pek atang ringawt khan thawng deuhin awm ila, nupui fanau te dinhmun, chu a derthawng hle dawn a ni. A thin a ur hunah chuan ngawi teh thenawmpa i awmdan hi ka duh ta mang hauh lo mai a tih chuanin kan tawp hmiah mai dawn ringawt mai a ni. Chuvangin mipangngai pa fing chuan e mahni kutzalah engnge khawinge ka tih ve theih, ka nupui fanau chawma tur chu ka thawk ve tur a lawm a ti ngei ngei, kan ti ngei ngei tur a ni a. Ram kan nihna ang pawhin chu chu kan ti ngei ngei tur a ni. Mizoram Mizo fate kan nihna angin a thlawin ringawt a Central Sawrkar-ina min pekah hian lawm tak leh thawng taka kan awm zel dawn emaw ringawt a nih chuanin chu chu a dik dawn miah lo a ni. Chumi taka pawh chu mipui te hnenah hian kan sawi tam a ngai hle dawn in ka hria a. A thlawin a thil la ringawt, hmang ringawt kan nih chu a dik thei lo reng reng a.

Tichuan, nichin a kan Minister zahawm takin a rawn sawi chhuah ang khan Central Sawrkar lampang pawhina heng pawisa tunhma a min lo pek tawh zawng zawng te leh min la pek mek a te pawh hi keimahni kan in todelh ve nan kan ram chungah khang pawisa te kha tangkai taka hmanga, tichuan chhiah te pawh chu tam zewka pe a, keimahni pawh kan lo in enkawl theihna tur zawng te a kawhmuhna an lo neih te han hriat phei kha chuan helaiah hi chuan kan hersatna, chhiah kan pek avanga kan la rethei si a chuvangin hetiang tih hi a

awmlo a nih tih lampang ang zawng a kha pawimawhna nei a lo nih kha chuan. Lehlampangah rethei mahilangin keimahnin theih ang tawh tawka chhiah te kan pek hian tu tan mah kan pe a ni lova. Chhiah ka va pek tak khan tu emaw daih ka va pe ta, a bo daih a ni lo tih te kha hria a, mipui tan Sawrkarin a rawn hmang tangkai leh si a nihnaah te, keimah leh keimah ka lo in ti chakin ka lo in chawimawi zel a ni tih. Tin, a thlawna ni hnen atanga thil la ringawt ni lova, keimahnin engemaw thawh chhuah awm ve lo nihna lama keimahnin pawh lo in duh tawh ve na, khati zawng in fuhna kha a pawimawhna a lian hle in ka hria a. Nichina a pun hrim hrim a tuna kan retheih avanga chhiah kan pek te harsatna lam kan zuk sawina kha a ban chen vela kan sawi dawn a nih chuan a dikna pawh a awm nuál thei anga. Mahse kan pek tam avanga a lo that em em zia, hnam ram khat kan nih ve na anga. Mizo fatena hma kan sawn ve theihna tur atana chhiah kan pek tam harsa deuh mahse, a lo that em em zia lam a kha hlam thum vela sawi thung tur niin ka hria a. Lehlam kha Ban chen vela nih chuan helam hi chu hlam thum vel a seiin hei hi kan tih tur zawk a ni ti a chhiah pek hrim hrim hi a tha a ni. Kan ram tan a tha a ni, ka tan a tha a ni tih thinlung mipui hmena kan tuh kha a pawimawh tak meuh meuh in ka hria a.

Tin, a rate thuah hi chuan sawi dan kawng tam tak a awm thei anga. Ka hma a member zahawm takina pawisa hlutna te a han chhut chuan a pung a la ni reng reng lova, a la hnam leh zawk a ni a han tih ang te pawh kha a sawi theih viau tho a. Mahse tak takin kan ram retheihna leh harsatna te han thir hian uluk deuh a he thil hi chu tih a, ngaihtuah tlana lungrual taka kan tih erawh chu a pawimawh hle in ka hria a. Tin, chumi kan tih a enga pawh chu chhiah pun a pawh chu a lo thlen hmain tan lakna tur mipui te hnenah zirtirna zautak chhiah kan pek tam te a kan zavai atana tha a nih zia te chu kan hrih leh chutiang zawng mipui te kan educate chu thil pawimawh tak niin ka hria. Ka lawm e.

PU ELLIS SAIDENGA : Pu Deputy Speaker, hei kan thu ngaihtuah hi a pawimawh hle a. Tirkoh Paula'n 'Puitlin lam i pan tawh ang u' a tih kha ka rilru-ah a awm deuh a. He Bill hian puitlin lam pan turin Mizo fate hi ni rawn khawih harh dawn niin ka hria a, lawmawm ka ti a. A rate chungchang thu an sawi te a sang lutuk tih te kha chu kei ka hma hma leh a sawitu sawi ang khan sang lutuk ni thein ka hre lova. Dik tak chuanin ka hma a sawitu te pawh khan Lei man hi kan pe tha duh lo a ni a, khawn theih loh lei man pe duh an awmlo an pe tha duh lo an tihna chhan te pawh hi a tlem lutuk avangin mipuite hian kan ngaihsak lova. Pek thamah kan ruat lo nge ni, ni khata kan Kuhvakhawr leina khawp pawh ni manglo lei man cheng hnih vel a nih si avangin miin kan ngaihsak tha duh lo niin ka hre tlat mai a. Chuvangin hetah hianin heta a rawn sawi hi a pawimawm hle in ka hria a.

- 91 -

Entirnan Perry Sap hunlai

atanga cheng hnih lei man kan pek hi vawin niah kan la hmang reng mai hi thil zahthlak tak niin ka hria a. Pawisa hlut dan te ngaihtuahin Sap-ho hunlai khanin cheng hnih te kha chu ropui tak a ni. Lei man pe turin Patling Chawlhkar hnih hlawnfain zan tam an riak chhuak a ni, chutiang chuan an khawsa a ni. Chuvangin lei man kha an ngai pawimawh em em a ni. Amaherawhchu vawin niah khami rate tho mai kha kan pek kha chu a ni thein ka hre lo. Chuvang chuanin cheng hnih atanga cheng nga a a chhoh te hi a la tlem lutuk ka ti zawk a ni. Amaherawhchu, le kan mipui dinmun te zirin vawi leh khata san thut kha a tha love kan ti a nih erawh chuan kha kha chu thu dang a ni a. Chuvangin Lei man a tam kan tih hi chu a tam love. Mawhpurhna niin kan neih loh chuanin a thlawn a ei te, thil engmah tih peih lohna kan nei chho zel niin ka hria a. Tunah phei chuan kan lo thlawhna ti mai ila, kan ei zawna hi kan theihngilh ta niin ka hria. Mi Lo thlo tha duh pawh kan awm tawhmang lo a. Tin, lei man pe turin ni zawng zawngin Leilet tha Bigha zau pui pui, tam tak nei kan awm manglo a ni Mizoram-ah hian.

A tam zawk chu khatiing leilet tha leh ram zau nello kan ni a, a nei chu tlem te khawkhatah pawh hian an ni thin a ni. Chuvang chuanin ka hma a Tlungvel bialtu in a sawi angdeuh khanin mirethei te chu mihausa zara awm ve kan ni a a tih ang deuh khanin khawkhata Lo nei hmun tha tak tak neite zarah khanin mirethei te pawh an awm ve dawn niin ka hria a. Khatiing leilet tha nei reng reng lo te tam kha chuanin tam tak tak pek a ngai chuang reng reng lo a ni. Khang nei tha te kha chuanin an ram neih that phu tawkin Sawrkarin tunah hian ruahmanna a siam mai dawn a ni. Chuvangin thil na reng reng a awm in ka hre love. Chuvangin hei hi ka lo vei tawh Private Resolution ah te pawh ka han ti deuh thuak thuak tawh hemi House-ah ngei te pawh kan han sawi deuh thuak thuak tawh te a nih avangin ka vei zawng a nia, ka duh dan tak phei chuan pass tawp mai. Ila thain ka hria a. Amaherawhchu, a hun chu tawlh leh hret ila in tih pawhin chu phei chu ka pawh ti lem love, pass tawp mai hi kei chu ka duh mai a sin. Ka lawm e.

* PU SAIKAPTHIANGA : Pu Deputy Speaker, he Bill ka han hmuh atang hianin ngaihtuahna min siam nasa hle a, a nihphung hrim hrim a hi chu tha ka ti a. Tin, ka hma a sawitu zahawm tak tak ten an sawi tawh angin ram thang ve tir kan ni a, tih tur kan ngah hle a. Hemi Huan leh Leilet ram chungchangah lo pawh hian Tax chungchangah hian siam hmabak la ngah hle nghe nghe in ka in hria a.

Entirnan mai mai ka bial a ka zin kluan kumin kum tir lam khan Teak nimalin an thar tawh kha an hralh duh a, an kit rum tawh mai a. Khulai Forest lam hotu te khan permit pass pe turin chhiah kan lak zat tur kan lehkhabuah a in ziak si love kan pe ngam lo che u an ti tlat mai a. Chungte pawh chu tak tak nge ka hre love, chutiangte pawh chu kan le nei lo anih chuan kan hmabak zel niin ka hria a. Amaherawhchu kan chhiah tihpun kha member thenkhatin an ti lo lam rik an hreh deuh hla a, mahse a pung niau a. A pung hi a tam lutuk

ka ti a, ka hma a sawitu zahawn tak tak te sawi tawh ang khan emawn leh atana dah nise ka duh nghal a. Tin, a tuar tur a te hi Huan nei mite leh Leilet nei mite a tlangpuiin kan nih a rinawn a. Helai a pawh hianin tun aia chiangkung deuh a, Mizoram pun Chakma District, Pawi District, Lakher District a huan ang han tih ang puk ni lo deuh. Entirnan atana Huan nei mite kan inanglo hle a, vawin niah chuan Kawrhtethawveng-ah chuan Serthlum kung singkhat vel an ti rah tawh a. Chu chu puitling anga ngaih amaherawhchu chhawrna awn lo a ni tlat mai a ni. Communication awn loh avangin Aizawl-ah an rawn phur a, sanghnih vel an rawn phur thei a Jeep-in. Petrol man nen a zuk chhut kha chuan engmah tham a lo ni leh lova. Entirnan Kawmpui vela Serthlum kung sawli sawnga ti rah khan khulal a mi ai khan a hlawn chu an tel tam daih mai a. Khatiang te kha kan chhiah pek denah khan thliar dan kan nei thei em aw tih min zu ngaihtuah tir a. Khulala an thar te chu helai angin hralh ve thei sela tuna an chhiah, tuna Sawrkarina a ruahman ang pawh hi pe se an hek tawh lo a ni.

Amaherawhchu Pun sawhnih cheng khatin an in bel lawr a, Aizawl a cheng hnih a an hralh lai khan. Chuvang chuan thingtlang khatiang ang tan kha chuan vawin ni a kan Sawrkarin a rawn ruahman ang hi a tam hma hle dawnin a hriat theih a. Ka hma a rawn sawitu ten an sawi tawh ang khan an Farm emaw an leilet emaw enkawlina tur, an sun hman tur tam tak kha chhiah ah hian a kalral dawn a ni tih chiangkung a lang thei nghalin ka hria. Chutiang bawkin Leilet neitu te pawh hi hman th thenkhatah chuan Tractor te leh eng engemaw hmanin kan Sawrkarin nasa takin an pui thei a. Thenkhatah chuan Bawng pahnih khat lek a len theihna ram te kan la nei hlawn a. Khatiang kha tun aia uluk zawk hian kan Sawrkarin engngeni a Group 'A' 'B' tih ang zawng ten emaw pawh thlia theih nise thil tha tak niin ka ring a. Khami a thliar chhoh zel dan a kha chu kawngpui te a chhuah ve a, khatiang a Sawrkar a inrawlh theihna angah khan siam danglam leh mai theih niawn takin ka ring a. Chu chu ka han rawt duh a, a pun thu hrim hrim a hi ka hnial ni lovin a pung tam lutuk teh thut hi kan mipui te, kan Lo neitu te thingtlang harsa tak taka khankhawp pawh thlo chhuak hlei thei lo te hi kan barakhaih lutuk ang tih ka hlau a.

Tin, helai a ni a tawpna thu han belh Lo neitu te emaw an lo hlawnchhama, a tax an chhiah te pe lo tur leh awltu tur a Administrator kan han dah daih mai kher hi Department in kan siang that leh dawn rau rau chuan a keng thei mai lawm ni. Entirnan - khawilal khaah emaw chuanin kan hnathawktu ten buh an lo thar ta lova, emaw an thlai an lo thar ta lova, chuni chhiah pe lo tura L.G. han inrawlh a, khatiang thui tak han tih ai khan hemi tel lo hian siam mai tha main ka hre deuh a, hei ka han sawisel duh pah bawk a. A pun thu hrim hrim ah hian kei awn ka tih tawv chu Duli atang hian cheng tham emaw chengli te emaw chuan pung ta se chuan

kan mipui te pawh hrilhfhiah an har lo tiauvin ka ring a. Duli atanga cheng sawnthum te, sawmnhih te han tih pun hi chu kan in mawh lu deuh ang tih hlawhawn deuhin ka hria a. Ka hma a rawn sawitu te sawi ang khan ennawn that leh nise, pass mai loin chu chu ka han sawi duh a ni. Ka lawm e.

* PU HIPHEI : Pu Deputy Speaker, hei chhiah punna kan han ti ve mai a, kan thiam ve zawng, a pungloa pun a ni love tih kha a ni a, tawngkam mawi zawk a nih chuan a tha mai a. Hmelchhe tak a ni e tih ai chuan hmeltha tak a ni lem love tih te pawh hi a ngaihawn zawk ang hian, chhiah pun a ni love pawisa hlutna a hnian vang a ni e tih pawh kha a ngaihawn zawk dawn chuan hman mai pawh ka hnial lo a.

Amaherawhchu kei ka sawi duh chu a pun hrim hrim hi kan hnial tur a ni lo. Tin, keinin kan hnial lo chang ni lovin mipui hmaah pawh kan sawi tam a tul a ni. Kan Sawrkar laipui India Sawrkar te pawh pawisa khur neiin khata tang khan an la chhuak a, ram hmasawna hna hi an thawk a ni lo. Mipui lak atangin chhiah an la a, chumi an chhiah lak atang chuan keini ang hnamhnufual te hi min enkawl a ni. Chuvangin keini pawhin mihausa zawk leh a chawi thei zawkte leh a thawk thei zawk te hnen atangin chhiah kan la anga, chumi kan chhiah lak atang chuan ran hmasawna hna hi kan enkawl tur a ni tih hi kan mipuite hriat atan kan sawi tam a thain ka hria a. Chu lo-ah pawh lak aiin pekin lukhawng a nei tam zawk a ni tih hi a dik fo a ni. Chu chu kan mipuite hnenah pawh hian zirtir tam ta ila, kan pek tam hian kan hlawk a ni. Chu chu mihring nun-ah hian a chiang em em mai a. Chumi thufinga chu vawng tlat ila, chhiah pe tam tu nih te hi a chak zawkah tang thei ila, chu chu kan nihlawhna tur niin ka hria a. Ram pumpui kan nihlawh theihna tur chuan chhiah kan pek tam hi a ni thei dawnin ka hria a. Amaherawhchu kan Minister zahawm tak khanin he Bill hi pass puiah min la sawm chiah niin ka hre lova. Min sawm si loh ah chuan a pass pui tur atan chuan duhawn loh ka la ti rih a. A chhan chu keimah-ah hian chian lohna tak ka la nei a, kan Minister zahawm takin kan ngaihndan min zawh khan he Bill hi a taka hmuh tur a awm si lova, a boruaka kan ngaihndan va sawi ve dawn chuan ngaihndan siam kha thiam a harkhawp mai a. A siam lo pawlah ka lo tang ve a, ka in thiamlo hle nghe nghe a. Eng pawh nise tia kan han hmuh hnu hi chuan keimahah hian chian lohna tak ka nei a. Chu chu entirnan - Huan emaw Leilet emaw Motor kawng englaipawha Motor a kal theihna kawng atanga 10 Kn. chin a mite chuan Bighe khatah Rs 30/- an pe ang kum khatah tih a ni ta a. Khani All Weather Road tih kha.

Tin, a pahnihnaah chuan Jeep kal theihna kha chu Rs.20/- a ni ang tih a ni leh a. Jeep kal theihna pawh hi All Weather Road a awm thei main ka ring a. Chumi ka rin theih dan chu entirnan - Lawngtlai atang-a Saiha luhna kawng khi pahnih a awm a, B.R.T.F. leh P.W.D. kawng. P.W.D. kawng khi All Weather Road kan tih ang chi hi a ni lova, mahse

englaipawhin Jeep chu a kal thei a. B.R.T.F. kawng khi All Weather Road lo ni ta sela, khimi kawng Motor a kal theih chung chuan P.W.D. kawngah pawh Motor a kal thei a ni. Chuvangin helampanga thlawhha siamtu leh Lo nei leh Huan neitu te ai khan B.R.T.F. kawng mite kha an hlawk chuang dawn lo. Mahse an chawi tur kha a lo tam dawn ta a. Chuvangin khami a Jeep kal theihna leh Motor lian kal theihna ringawt atanga kan han teh a, a rate han in san hleih tur kha ka ngaihtuahin fel ka ti tawk thei lova. Chu chu kan Sawrkar hian ngun leh zualin lo ngaihtuah ta sela, khalai tih dan tur a kha, chutichuan ti sela a tha ange tia rawtna han siam nei tur ka h e lova. Amaherawhchu, keimah ah hian chian lohna tak ka nei a ni.

A pahnihaah chuan khami an thlawhha siam a kha an lo hlawhchham palhin a zavaia hlawhchham Total Failure leh Percial Failure ah then a ni a. Khami failure kha a awm tirtu a zir a ni lova, khami thlawhha siamtu, Huan siamtu a thatchhiat em avang khan lo fail palh ta sela, chhiah kha a chawi lo dawn niin a lang a ni. Administrator khan a awl thei dawn niin a lang ta a ni. A thatchhe zawka te chu diktakin ram an ti chhe si a, an siam tha leh peih mang si lova. Khatiang pawh kha thil awm thei a ni a. Chuvangin khami failure kha engemaw ti taka kan hrilhfiiah a nih si loh chuan a chhan kha. A failure avang ni ringawt a chhiah a awl dawn chuan a awl chhan tura kha a tha lo mai thei a ni. Chu chu pakhatnaah chuan nise.

Tin, a pahnihaah chuan Perial leh Total kha engtinge ni kan tih ang aw. A nih loh leh miin tin 3 hmun Lo lo siam ta sela, chutah chuan tin 300 emaw thar lo beisei ta sela, tin 150 chauh kha lo thar ta si sela, beisei angah khan kha kha Failure a ni dawn em? Chungte chu min ngaihtuah tir a. Chuvangin khami a failure tak kha a tehfung engemaw a awm loh a, engemaw thlipui avangin emaw, a nih loh leh Sazu avangin emaw ni lem. lova, a failure hrim hrim a kha chhiah awlna tur chhan tur a nih dawn chuan khalaia kha ka chianglo viau mai a. Tin, chu loah chuan hei Sawrkar-in dan kan pass reng reng a hi a hnunglam zuk thlira, kan hlawh tih pun te hi chu in-trospective effect neite hian min ti lawm viau a. Hlawh nei mang hlei lova a chaw ei tur zawng hmi introspective effect neih tir a hi, an lo ngaihtuah that leh dawn pawhin kan Sawrkar hian hei hi lo ngaihtuah ngun se. Mipui rilru tina duh zawng tak, a ni a he thil hi. A pawisa a kha a tam tawk lo mai thei a, amaherawhchu hun kal tawh a mi leiba ang hrim a zuk ruh tir tumna kha mipui rilru a ti na thin a.

Chuvangin entarnan - he dan hi lo pass ta ila, kumin April atanga hman tan tur a ni dawn ta a. Hetiang chi hi chu ni lo sela, dan kan siam reng reng mipui hnena chawitir theihna dan te a nih chuan Notification an siam ni atanga hman tan tura siam nisela tih ka duh leh a. Ka sawi tawh ang khan a pun hrim hrim a hi hnial rual a ni lo, a pung ngei ngei tur a ni. Amaherawhchu, Member te leh mipui ten kan ngaihmawh rih a chu Professional Tax te leh tuna Mizoram a mihausa kan neihchhun te ai hian Thingtlang Lo nei mite chawi hi a lo tam zawk dawn avang hian mipui rilru

a na lutuk a ngo tih hi kan thupui a ni a. Chuvangin hun thawl zawk ngaihtuahin kan Sawrkar hianin khalai Professional Tax leh Tax hrang hrang te nen a khaikhin a. A proportion ngaihtuam zawng tura tih san chhoh dan kha lo ngaihtuah leh in tuna ka rawn sawiselna, ka duhtu a la sam lohna zawng zawng te kha ngaihtuah bawk sela. Hei hi chu tuna la pass rih lova, nakin a la ngaihtuah that leh atan kan Sawrkarin a lo ennawn leh ka duh a ni. Ka lawm e.

PU J.H. LIANCHUNGUNGA : Pu Deputy Speaker, hei vawlin a kan thusawi hi a ngaihnawm hle in ka hria a. Member tin tena

kan thu sawi kal ta te han ngaihtlak pawh khan Mizoram a chhiah hi a pun kan duh theuh a, a lawmawm a. Tin, tuna hemi kan amendment bill hi a clause tin pawh hian. han exam exam ta ila, a bik takin tuna kan sawi kan sawia kan rilru a thil lo lang chu Huan leh Leilet chungchang thuah hian a tla ber niin ka hria a. A baka tax punnaah hi chuan kan rilru-in awm kan tih pui vek a. Tin, a thenah te pheih hi chuan a la hniam lutuk ni mah mah te pawhin a lang a ni. A bik takin Huan-ah leh W.F.C. kan tih, hemi Leilet atan hian kan rilru kha thingtlang lampangah a kal deuh hlek niin ka hria a. Kha khan kon ngaihtuahna a kal buar tir deuh niin ka hria a. A bak erawh hi chu a hniam lutuk mah mah niin ka hria a. Tin, Huan leh Leilet nena chhiah dang hi a proportion han lak chuan a san pawh a lo sang deuh pawh a ni mai thei a.

Amaherawhchu Mizoram kan tam kan tanna te ran eikhawp a nih laia kan hnathawh te nen a kan han en hian hna hi kan thawk tha lo em en mai a ni. Tin, he Aizawl khawpui chhehvel Huan neih tlak leh ran thalai te kan han en pheih chuan mithenkhat ta, hnan si loh a lo ni diai duai hlawn a. Hnathenkhat W.R.C. sian theih Leilet tam tak chu enkawl lohin a awm diai duai bawk a ni. Chungah chuan mithenkhat sian chak em en te pawhin ran an nei thei ta lova. Tunch hian hetiang taka chhiah a lo pun a, Bigha khat a cheng sawnthon emaw leka a lo pun hian kha ran enkawl loh kha enkawlna a chhuak ngei ngei down a ni tih hi a chiang a ni. Chuvangin lo thlahtlan taka neitu chanchang si, a enkawl loh khan enkawl a hlawn pha anga. Tichuan kha enkawl a hlawn kha chuan a thlai thar leh Buh thar kha tam zawk Mizoram tan a lo luang chhuak loh zawk down a ni a. Tin, a chhiah thu hlawn hian Bigha sawpanga neite chuan cheng zali leh sawanga emaw lek kum khatah an chawh mai a. Cheng zali leh sawanga kha an buh thar chhuak atanga han hralh tur chuan Buh tin sawnhih vel man chauh a ni. Chuvangin Buh tin sawnhih hi ka kum khat chhiah atan nisela a bak zawng hi ka la hlep thei a ni tiin rilru takin neitu chanchang takin a Leilet kha a enkawl thei bawk a ni. Tichuan, a ran enkawl loh thinah khan enkawlna hna a lo sian anga. Tin, nihausa ran nei te hi ni tam tak an awm a, enkaw mang hleih loh a neitu an ni mah mah mai thin zawkin ka hria a. Thingtlang lamah te pheih hi chuan hei kan kal a, kan han vah vel hian Leilet a sian theih nei tawk tawk Sawrkar tanpung tlan lo la a, Lo neite chuan theihpa tawpin hna an thawk thin a ni a.

Chungah chuan an theih tawpa an lo thawh bakah khon Sawrkarin a lo tanpui ve bawk a, an thar the en en thin a ni. Ancherawhchu tunch hian ram enkawl loh tan zawk hi enkawl thei te te niin a lang bawk si a. Chuvang chuan hetah hian mipui te pawhin an hriet tur a chu an ram enkawl ngei loh leh enkawl atana ram tha tek tek kha a kum khat chhiah tlen te, a kum khat thar buh atang khon an lo pek ve khon enkawina hna tha zawk a lo kal anga. Tin, chu chuan ni in hlawhfa duh te leh hnathawh tur nei love nitina in hlawhfa te tan pawh hna a ti pung a ni, a generate a ni. Chuvangin in hlawhfa kha tam tek a lo sian bawk anga. Tin, kan ram a buh thar tlen hi a lo tam phah ngei ngei dawn bawk a ni. Chuvangin tunch hian Huan leh Leilet a kan rilru kan pek hi a chhiah kum khat atanga kan pek tur a chhuah tam nen hian han buk te ilo tlawm te a la ni tlat a ni. Chuvangin hetah hian Lo neitu te pawhin an hriet vek tur a chu chawimawina ropui tak an khum phah thei tlat a ni. Chuvangin Sawrkarin a ngaihsak bawk anga, mipuiin kan hre bawk anga nakinah chuan lehkhathiam hna neilo Leilet a thawk duh leh kut hna thawk duh tam tak kan awn ang. Mipui kan pung zel a, kan thahnen zel a ram a lian ve zel chuang si lo. Kha ram awn chuan a kha a hlawk zawnga thlai leh Buh thar tam zawnga tih chhuah tam kha kan hnabak a ni ngei ngei bawk a ni. Chuvangin engtikah enaw chuan he thil hian min den hun a lo thlang dawn a ni. Chuvangin tun kan dinhaun that lai leh hna kan lo thawh that theih lai hian Heting bill amendment kan sian hi thil lawmawm tak niin ka hria a. Chuvangin Mizo mipui te pawh a bul kan ten hun hi engtikah mah chuan kan ti tak tak theiin a rinawm lam lo a ni. Chuvangin Ministry thar te pawh lo ding sela, a leh pek pawh lo ding leh sela heng thil chhiah lo pun te hi Politic ang chi a kan in kai dawn a nih chuan tu ten mah hun tak tek a awn chuang dawn love. Ancherawhchu tunch hian kan kai e ka tihna a ni chuang nich lo a, Member tin ten kan thu sawi atang khon a that zia a lawmawm zia kan sawi tlang vek a nih kha, a lawmawm a. Chuvangin vawin ah phei hi chuan pass theih lohna hi a awn awn lo mang e ka ti hial a ni.

Chuvangin hetia a bul han ten ngam nihna te pawh hi a the a. Sawrker pawhin a enkawl zui zel anga a rilru takin a vei en en ang. Tin, ram thar neih tunch te pawhin neih puitlin han atan loh a ram a hlawkna lo chhuah a buh leh thlai thar chhuahna hun atan kum thun chhiah a lak loh tur thu heia ziak angin kan hna a, kum thun chhiah lak loh turin a lo ruahman lawk a ni a. Chuvangin kum thun chung an han enkawl a, the taka buh leh thlai te a lo thar hunch khon chhiah a pe ve thei chauh dawn a ni nghe nghe a. Chuvangin tunch hian Huan leh Leilet a chhiah pek tur a a tih hi a na reng reng lo a ni. Heting a nih chuan tunch hian he Bill hi lo imposed ta ilo, mipui te hnena heting Lo leh Huan heitu te hnena hian, tun ai hian an tang ang, an thlai thar chhuah pawh a tam zawk ang. Tin, mipui ten pawh inhlawhfa kha leh nihansa te hnena inhlawhfa kha tam tek a lo thlang bawk anga, chu chu a bellfakawma a ni dawn bawk a ni. Chuvangin hetah hian kan chhiah tuk tunch he Assembly a kan khelk mok a hi tam lo te a ni tlat in ka hria a. Chuvangin tunch hian kan rilru-ah vei ilo Mizoram mipui te hnena pawh a hrilfiah lam chik ilo member te pawhin kan pass theih lohna tur pawh awn in ka hre lo hial a ni. Ka lawm a.

DEPUTY SPEAKER : Sawi duh dang kan sawi tawh lo a nih chuan Minister i lo sawi ang u.

PU LALENGTHANGA : Pu Deputy Speaker, hemi Bill chungchong thuh hian member zehawn tak tak te ni sawn an rawn Tin, sawi dan tlangpuich khian ngun taka lo thlir chuanin a lawmawn ble in ka bria a, kan thinlung tak taka veiin realistic taka kal kan tum niin a lang a. Point thankhat hemi Bill kan ngaihtuah laia kan thinlung a lo lang thankhat sawi mai mai ile.

Pakhatnaah chuanin nichina ka sawi tawh te piah lamah khian ka lo sawi loh te thankhat Sawrkar thinlunga awn thin chu hengte hi an ni a. - Hemi Leilet kan tih ang a hi Mizoram a neitu a te han ngaihtuah chiah a a record atanga en chuan, mipui mimir mi rethei te an ni mang hauh lo mai a. A dan tlangpuich Aizawl a mi awmthei deuh hlek chunghua leh Lunglei lam a mite hetiang ang hi Capital Headquarter emaw District Headquarter emaw Sub-Division Headquarter emaw a min an neih a ni deuh fur a ni, a record tak taka zak en kha chuan. Tin, hemi W.R.C. leh Permanent Huan kan tih neitu te hi a percent a lak chuanin a Zoran family ti mai ilangin Head of family ah hian 10% an la ni manglo a ni. Chuvangin a tax a kha eng a pawh chu lo niselangin mirethei te tih harsatna tur ang zawngin a ngaih theih viau a, Lo leh Huan a han tih khian a mipui a mimir hi Mizoram ah chuan Lo leh Huan neia eizawnga kan kal avangin. Anaherawhchu a lehkhabu record tak tak atang kha chuanin chutiang ang chu a kalhmang a ni a. Tin, Profession dang a mi niawn taka kan ngaih kha Leilet te chu a lei thei thei a te emaw an lo nih avang khian an nei deuh vek zawk a. Entirnan Sundawng ni tam takin an nei a, Contract ni tam takin an nei a, Kandingin an nei a. Thingtlang pa ngau ngau a hi chu duh mahse a changlo a te an ni tawh mah mah zawk a ni. Chu chu engenaw a background hriat mai mai nan.

Tin, a pahnih lehnaah chuanin kan zuk en leh tur a chu hei Census hi zuk en ile 1951, 61,71,81 chhiarpui kan en chuanin mipui hi kan pung chak viau a Mizoram-ah chuan. Khalala kha ngunthluk taka kan zuk bih leh chuanin hemi tax kan han tih thar leh ina a va khawih tur percent a hmang tur awn anga zuk langah khian zazelah panga percent a ni mang chhiah si lo awn in a lang thei a, a figure a zuk en lehin. (Deputy Speaker : Member ten kan hriat tur chu hei dar khat (1:00 hr.)) a ni a, kan sawi zawn tir law law ang nge, kan chawl phawt anga chawnuah kan chhonzawn leh ang ? Ngaihdan han sawi teh u, hun a tawp tlat mai). (Pu Hiphei : Pu Deputy Speaker, chawnuah chhonzawn leh ni se). Engnge ni rowtna dang a awn leh en ? Chawnuah chhonzawn leh zawk kan duh a nih chuan chawnua hun chu ti tawp ile, Chawnua dar 2:00 P.M. ah kan chhonzawn leh dawn nis.

Recess till 2:00 P.M.

2:00 P.M. :

DEPUTY SPEAKER : Tunah chawhma a kan Business chhonzawmma kan lo nei ang a, Pu Lalhmingthanga i lo sawm leh ang u.

PU LALHMINGTHANGA : Pu Deputy Speaker, ka sawi tawh MINISTAR kha ka han sawi zawm leh a nge. Member thenkhat khat ten an rawn sawi tawh ang khan. Hemi a chhiah pung kan tih a hi a phurrit tak tak a chu kan record atanga kan zuk enin Mizoram a zazela a tam ber a 90%, 95% kha a tuar chiah lo tur a te chu an ni a, tun dinhmunah chuan. Tin, kan sawi ang khanin thil pakhat hemi chungah hian a zuk awm leh a ni. Tunah hian kan ram kalhmang a la ni ve hrim hrim a, nakin hun lo in thlak zel tur atan chuan kan sawi thei lova. Nimahsela entirnan Leilet hi lo sawi ta ila, Phai ruam hmun tha deuh hlekna tui te pawh lak theihna hmun a siam a lo ngai ta a. Khatah khan kan ram a hmun zawl awm deuh zawng zawng a hi chu pass ah hian tunhma hun engemaw ti atanga belhkhawm chho zel khan kan pe chhuak tawh niin a lang a. Nimahselangin khati lam a kha Opposition Leader te pawhin an rawn sawi ang khan a utility a kha rin aiin a sang lova a hmun taka han en kha chuan. Chu chuanin sawi theih pakhat a zuk neih tak a chu Bigha khatah duli mai a lo nih khan miin Bigha sawmthum te a lo neih khan kum khatah cheng sawm leh panga te a chawi a, a awlsam ta tlat mai a. A nei duh tu tur a te khan an han neih dawn pawh khan a neitu nihnaah khan miin a dal si a. Tin, cheng sawmpanga chawi ringawt kha chuanin enkawl vak lo mahse kha kha a nei reng thei mai a.

Chu chu entirnan Bigha khatah cheng sawmthum te lo nih kha chuan kum khatah cheng zakua a chawi a lo ngai dawn ta a. Kha kha thil na lutuk a ni lova, tin, hemi kan amendment ah hian kan zuk sawi dan takah phei chuan engpawh lo nise min a hnathawh tan tirh atanga kum thum chung phei kha chu a buatsaihna hun atan a tul dawn avangin chawi lo phawt se tih ang te te pawhin lo neitu telam a harsatna te han hmuh khan provision te pawh siam a ni leh a. Tin, hei chaw leh eibo bar a kan intodelh loh dan hi chu mi zawng zawngin a hriat a ni a. Hengah te pawh hianin khatiang ang a engemaw a leiman han chawi tur a pawh kha a lo san deuh chuan a hlutna te pawh chu kan lo hre chhuak ang a, tahchuan kan lo hman tha mahna tih te pawh kha ngaihtuah tel a ni a. Chu chu production a entir tihna a nih chu. Tin, hei Huan Permanent kan han tih ah te pawh hian a fee a hi a tlem viau a, a ti puitling deuh te tan phei hi chuanin tuna enhancement kan han buatsaih ah te pawh khan pek harsa vak tur awm a ni chuang lova. Nimahselangin tuna a dinhmun ringawt ah hi chuanin ti puitling lem lo leh kut engmah thlak loh Pathian siam sa pass leiman a han pun tak avanga a nihna ang ang a han kalpui zel a kha a fee a tlem avang hian a awlsam pakhat ni pawhin a lang a. Tin, hemi 1953 a main act an rawn pass

lai hun a kan hotu te thinlung te ang te kha ka zawt mai mai a. An nin an lo tih dan thin te pheih kha chuan hetiang pass leh issue na tur atan leh a fee an lo tih hniamna chhan a kha hetiang hien min hrilh a.-

Kha tih hun lai kha chuan Mizo hi Normadic tribe hetia thil hmun nghet nei lo em em mai thinlung pu kan ni a. Engpawh nise mite thinlungah hmun nghet neihna thinlung hi a rawn tuh theih nan han siam phawt ila, chutah chuanin thil in tan tir tur a ni a, duli emaw hi har ti phawt ilangin, an ti a ni a. Tunah pheih chuanin a hmun nghet neih lamah hian mi thinlung a kal ta viau a. Kan thil tih tumah chuan kan hlawhtling thawkhat ni pawhin a lang a, han tih san chho chu a hun thawkhat tawh viau a lawm mawle tih te pawh opinion an nei a nin min hrilh nual a ni. Tin, chu sense of honourship (neitu nihna) a ram leilung a hrim hrim a pawh kha a develop na tur atana act a pawh hi kan hotu hmasa te pawhin sawi tur tinga an lo buatsaih chu a ni a. Chung ang a chu keng chho zel tur khan tun aia honourship a leilung a pawh hman tha duh zawkna tura zuk tihna te hi a rawn chawh chhuak mahna ti a, a percent increase a pawh kha Member zahawm tak tak ten an rawn sawi ang khanin a sudden jumping chho thut mai a ni tih a kha chu kan hria a, heng kan ngaihtuah lai pawh hian. Amaherawhchu chu chuanin a rate a hi a tha em tia ka zuk zawn talna pawh ka zuk sawi a ni chuang lova, a background a hrim hrim a kha member te hriet atan kan han sawi a ni a.

Tin, Revenue collection

chungchang thuah hian Revenue Department a hi kan indaih loh zia chu mipui in hre chiang em em in ka ring a. Tah hianin enlarge a, in daih zawk deuh a tih tur te pawh hi scheme tumthum lai kan buatsaih tawh a. Mahse kan sawi tawh ang khan hei Central Sewrkar pawhin in Plan Fund leh thil dang reng rengah hi chuanin in mamawh ang han tih sak zel che u hi kan hreh hran lova. Revenue te kher kher hi chu han pass tur ah leh engemaw nangmahni Revenue Shortage increase khan tih len dan kawng te hi zawng ve deuh ula tih ang deuh ten an sawi a. Chung pawh chu engemaw chenah chuan a dik viau a ni. Kawng laihna tur pawisa pek che u hi kan hnial lo, Tuikhur siamna tur pawisa pek che u kan hnial lo, Electric siamna tur pawisa pek che u kan hnial lo, Agriculture ah te pawh kan hnial lo. Amaherawhchu Revenue ber a pawisa pei chhuak awm thlengina khami Staff te tih pun in duh a, a engkim a tum tura zuk in tih leh a kha chu hemi Department kher hi chu Revenue a ni tlat mai a tih ang hi tumli tumnga chu min hrilh tawh a ni, a dik ang reng viau bawh a. Chutiang ang chuanin hemi kan income a Mizoram ina kan pawisa lakluh mipui te hnen a kan lakluh increase hi a tulna lai a kha a tam fu a ni. Engpawh nise member zawng zawngte khanin tuman a Principle a rawn hnial in awm lova, kan ngaihdan chiang zawka thlir leh tul niawma in han sawina kha chu a rate ah te a ni deuh ber a. Tin, hemi a a land categorisation ka ti dawn nge ni, classification ah All Weather Road tih te leh Capitable Road tih te leh area dang siam a te kha tiang zawk hian nisela in ti nge ni a ka hre lova.

Tin, All Weather Road tih ah hianin hemi a term hrim hrim a hi chu P.W.D. lamah leh Sawrkarin a hman dan chuanin Road a ni tawh Black top ni tawh fur a thal a kal theihna hi a ni mai a. Amaherawhchu a Survey thod a hi chu fur ah te an lo kal tawng tawng a nih pawhin All Weather Road kha a kaww chuang lova, hei hi chu Board term a hman a ni a, hetiang hian a kal mai a. Mahse a categorisation te pawh hi a dik chiah chuanin keimahni Revenue Staff lam kan indaih loh avang khan detail deuh mai hian categorise ta ila, keimahni vek khan khami ang kha kan implement zo lo leh ang tih kha kan hlau thin a. Generalise deuh mai hianin kan categorise ta ringawt a ni a, kan classified ta ringawt a ni a. Chu pawh chu kan Department lam indaih loh vang a ni a. Tin, Department lam indaih loh avang hian thil chi hrang hrang heng an assesment chungchang thu tuna kan Bill ngaihtuah piah lam a kan tih tur ang ho thenkhat entirnan - Building Tax tih ang te pawh hi a construction cord te leh khatiang ang thil han chhut neuh neuh tur kha chuanin detail assesment nei tur kha chuanin a instructor a kha office in kan neih loh avangin duh ang taka detail in kan ti ngam thin lova. Nei thei ila chu duhtusam a ni khang ang a pawh kha. Mahsengin summery assesment kan tih ang zawng chauh lo hi chuanin kan Organisation of capacity hian a zawh loh hrim hrim avang hianin heng bill ah te leh Rules ah te pawh hianin kan zuk kal thuk ngam lo a ni a. Chumi keimahni lam thawh theih taww awm ang nen a hmehbel zel loh kha chuanin a tha ber ang a pawh hi thinlungin han hre mahse Sawrkar lamah pawh va tum nghal mai lohna dinhmunah kan ding thin a ni.

Khangtiang kan han sawiho neuh neuh a kha hemi bill amendment kan buatsaih laia kan thinlungah leh a background a awm te chu an ni a. Tin, a bul pui berah chuanin hei kan ramah hianin Sense of Honourship leh Sense of responsibility hi India ram dang te nen a tehkhin chuanin a hniam viau mai a. Entirnanah khawlaia electric bulb han perh keh mai te, tin, tui pipe a a dar in vuah lai lo lak mai te, tin, electric wire bel a chhun atana lo ruk mai te, khawlaia sign-board lo vawm chhiat mai mai te sah chhiat te hi a tam em em mai a. Kha te pawh kha engvangnge kan tih chuanin kan ram leh hnam harsatna avanga thil engkimah hian keimahni Sawrkar a lut tur zawnga mipui te hian pertification kan neih tlem deuh hlek avang khan neitu nihna thinlung tak tak leh vantlang thil leh sawrkar thil hi ka thil a ni, hei hi keima pocket atange ka va thawkhawm chumiina a siam chu a ni tihna thinlung te hi a hniam deuh hlek emaw chu ni aw tih tura sawi theihin a awm a. Kha kha a chhe zawnga zuk teh na ni lovin a constructive zawnga zuk thil kha a lo ngai ta a. Chungah te pawh chuanin kan mipui khua leh mimir ten engemaw tia sum leh pai chungchang thua te pawh tun aia tam zawk deuh, mahse an dinhmun ti harsa tham ni chuang lem lo te Sawrkarah an zuk pe lut a nih chuan neitu nihna thinlung sang zawk a lo awm a, hemi Public property te leh vantlang intawm thil ho reng rengah te pawh hianin a sense of responsibility mawhpurtu nihna an thinlung a a lo awm a, neitu nihna thinlung a siam phah te pawh kan han tawng beisei a. Khang ho zawng zawng a kha a taka

rawn thlen tir tu tur leh Public Education ni tu tur a kha chu heta mipui ten an aiawh a an thlen House zahawn taka yawiin rorelna ni a a rawn teltu leh an finna rawn hmang tu te atang tho lo hi chuan bul tan ngaihna a awn chuanglo a ni a. Chuvang chuan heng a background chi hrang hrang ka han sawi tak a te hi Memner zahawn tak tak ten an thinglung a ah dah a pawimawh a ka rin avangin ka rawn sawi a ni.

Tin, a rate thu kha han sawi leh ta ila, Agriculture activity hi 85% Mizoram mipui te hi Agriculturalist an nih avangin Sawrkar pawhin activities nasa tak a nei a. Hetia Leilet nei a, pass mumal a hna zuk thawk peih ngat te hnenah hi chuanin anmahni ringawt a kal tir ngawt ngawtna kha a nei mang love. Subsidy te pawh hi a pe-in in-puts chi hrang hrang te pawh kha a pe ta a. Anmahni pocket atanga heng Revenue kan han siam thar a te hi pe tur ngawt ngawt anga ngai chu ni ta ila thu dang deuh a ni a. Mahse kum khat a khami pass an neih takna a Agriculture Development siam kan duh bawh si a, Sawrkar-ina a hman chhuah an dawn te nen a zuk thlir pheh chuanin harsa taka inchhuhsak tur ang zawnng kha chuan a lang reng reng lo a ni. A chhan chu Subsidy pek dan hi entirnan 60 percent te, 75 percent te thleng a lo ni ta a. Chuvang chuan an cultivation a khata an pawisa zuk hman tur ang tam tak a pawh kha engemaw chenah Subsidy in Sawrkar ten a lo pe ta a ni a. Chuvangin anmahni pocket a mi an awn hle hle lai va laksak ang ngawt kha chuanin hemi kan buatsaih lai pawh hianin Sawrkar chu a in ngai lova, chungte pawh chu hriat tel a ngainn ka ring.

Tunah hian member hrang hrangte ngaihndan an rawn sawi atanga han thlirin hemi Bill pass hi a hmanhmawh theih vakin ka hre ta lova Pu Deputy Speaker. Ken Rules 95-na tlawhchhan khan khatah khan kan zuk en chuanin member tupawhin emaw member-in-charge of the motion emaw House a debate kha adjournment eng tikawng pawhin a dil thei a. Chuvangin tunah hian Board rawn dil loin hemi debate hi indefinite a adjournment motion ka rawn dil a, chu chu House in rem min tih sak chuan a hun remchang hmasaberah he House hian a la ngaihtuah leh thei tho va, kan join leh thei thova, chumi ang chuanin ka rawn dil a ni.

DEPUTY SPEAKER : Member te khan in ngaithla chiangin a rinawn a, tin, Pu C.L.Ruala rawt dan pawh kha a ni deuh a ni ti rawh tukin a mi kha. Tuna pass mai loh a tih kha, kha kha a nih avang bawkin leh hei discussion kan nei tawh bawh a. Adjourned leh a remchang hmasaber a ngaihtuah tur tih ang a ni mai lawm ni? Kha kha a tha mai lawm ni, engnge in ngaihndan? hnial kan awn em?

* PU SAINGHAKA : Pu Deputy Speaker, adjourned ta ringawt ila, tuna member ten kan han sawi kha hemi a taxation increase hrim hrim a kha chu kan hnial vak lova, anaherawhchu chiang zawk deuh a en tih kha a ni a. Adjourned ta pawh

ni ila 78 velah tho khanin kan kir leh a ngai mai thei a, kan dan 78-na khan. Khatah khanin tukin zinga Tlungvel bial aiawhin a rawn sawi a, a rawn move tawh a first reading kan neih tawh hnu kha chuan Tlungvel bial a mi rawtna ang a Select Committee ah emaw Public Opinion a mole tur emaw a tih kha Minister-in-charge in a duh chuan, member atanga rawtna a awm bawk chuan leh tukin a mi kha chu rawtna a kan ngaih chuan khatah khan kal ila. Tahchuan a rate chungchang thu a amendment tih vel a te pawh kha too false awm loin a tih fel theih zawk mai loh maw ?

PU LAHMINGTHANGA : Pu Deputy Speaker, member zahawn takin a rawn sawi kha a dik viau a. Adjourned ringawt a a danglam leh chuang si love tih kha chu awzia a nei lo ang a. Amaherawhchu tah hian course pahnih pathum a in hawngin a lang thei a, indefinite a kan adjourned khan kan duh chuan khami kar khanin member hrang hrang kha select committee angin a hming ruat lo mah ilangin kan thlir ho leh thei thova. Tuna kan amendment propose Bill ah hian House vek pawh hian a duh chuan amendment kha a siam leh thei a, scope zau takin a in hawng a. Adjournment ka rawn dilna a motive ber a pawh kha khatilai a member hrang hrang ten an duh dan ang an rawn express thil a kha Chiang zawk a thlir a, chung ang chu kan amendment ah hian accomodate theih a nihna tur thinlunga rawn dil ka ni tho a ni.

Tin, a bik takin khatah khan hei kan Opposition Member te ang te pawh kan rawn a tul ang a, chumi kawngzawngah chuanin. Chutichuan hemi kan Propose amendment Bill ah vek hian kan duh chuan amendment vek a kha House in a la ti thei tho va.

DEPUTY SPEAKER : A tha mai lawm ni ti chuan ? Minister pawhin chu a assurance ang deuh a pe a ni mai a.

* PU C.L.RUALA : Pu Deputy Speaker, chian loh lai ka la nei a, dan bu-ah han hmuh mai tur ka la hmu lo a, tunah adjourned ta ila amendment bill kha discussion kan neih dawn atanga three days, three clear days emaw two clear days emaw tal a theh luh kha a ngai leh dawn a. Chuvangin Select Committee ah emaw a refer nghal mai emaw kha a tha mai lawm ni ka ti deuh a.

Zing lam a ka ngaihtuah dan phei kha chuan hei chhiah tih pun deuh zel a kha a tha kan ti a. Tahchuan rethei zawk ten an tuar lohna thei ang ber pawh ngaihtuah kan duh a. Chuvangin chhiah chi hrang hrang a kha assesment the take siam turin Commission hial nei ila. Chu Commission chuan assesment siamin chhiah chi hrang hrang a kha thlir nawn ta sela, chuta tang chuanin Proposal rawn siam ta sela. Chu chu bill angin kan Minister chuan rawn pulut ta sela a tha berin ka ring a. Mahsela chuti em em a let chu a har tawh mai thei a. Tin, tuna kan Minister han tih kha chu

kan Rules neihah chuan a dik tak tur chu a niin ka hria a. Select Committee a refer kha chu a mover a nih avangin Minister-in-charge a nih avangin a thei lo reng reng a, tah chuan danin a phal chiah lova. Adjournment hemi zawhah adjournment kan han nei ang a indefinite adjournment a ni dawn ta a. Kha kha dah that rih a ni dawn a, khami rawn luh leh dan tur a kha duh dan engemaw kan han sawi danah khan a awm deuh roh si a. Kha kha Select Committee in ngaihtuah law law mai sela tih kha a tha mai lawm maw ni le tiin rawtna ka han siam a ni.

* PU SAINGHAKA : Pu Deputy Speaker, kan Minister min rawn chhanna ka hlauhthawna kha a dan zuk thlir hi chuan adjournment a dil a ni a. Adjournment ah hi chuan Government level atang chuan siam that theihna a awmin a lang lova, select committee an refer loh chuan. Amaherawhchu withdraw a dil a nih erawh chuan a Bill pumpui a kha a replace hlawk theih a. Chutiang chuanin a adjust ti mai ila, a siam tha thei niin a lang chauh a. Chuvangin adjournment han tih khan helala a scope a kha tuna member te ngaihdan tam ber a kha a zuk khung zawh loh hlauhthawn thil thu a ni a. Chuvangin a tum a leh Sawrkarin a kalpui awm a tih a pawh kha vawiin a Hous-e a kan sawi nen pawh hian a lo inang reng mai thei a. Chumi a nih chuanin nichinah Bill kha rawn move a ni tawh a first reading kan nei tawh a, khami first reading neih hnuah khan tunah hian member tu pawhina amendment kan rawn zawn a kha Select Committee a refer tih lo ni ta sela chu chu ti ah pawh lo in ngai nghal ila. Khami a khan kal ta mai zawk sela a mam ber zawk ang tih ka la ring fo a ni.

PU LALHMINGTHANGA : Pu Deputy Speaker, Member
MINISTER zahawm takin a rawn sawi ang
khan Government atang chuan .
scope a awm lova, a amendment siamtu vek khan a amendment vekah khan rawtna kan siam thei chuang lova. Amaherawhchu hemi House hian a rate a te kha in englo loh chuan a ti a nih chuan. Chumi hnuah chuanin a House vekah hianin tha kan tihna ang a kha chu a Government amendment ni chuang lovin scope chu a awm chho tho ang a.

Amaherawhchu Pu Deputy Speaker, Member tuna rawn sawitu zahawm tak tak te khan an duh a nih chuan Select Committee a refer a kha an rawn move ve a nih chuan, keimah ni loin an move ve a nih chuan, phalna a an move a nih chuan, House in a support a nih chuan ka pawm thei tho. Amaherawhchu a motion neitu ang deuh a incharge ah kha chuan adjournment a kha kan dan ang hian ka dil a ni mai a. Anni pawhin khami zawk a kha ka motion nen hian kan khaikhin a nih chuan Select Committee a refer an tih a kha an ti a, House in rem kan ti a nih chuan rem tih lohna ka nei chuang lo.

* PU SAINGHAKA : Pu Deputy Speaker, kan Minister zahawm takin a ngaihdan a chu kha kha a ni a. Kan dan neih ang chi record a awm reng tur a ni ve a, 95 ah khanin adjournment a kha a tawp hmieh mai niin a lang reng mai a. A bill a kha sian that lehna kawng hemi kan discuss lai tih loh hi chuan a awm si lova. Tin, pawn lam a engenaw dan panggai ang deuh a in rawn tih mai mai loh kha chu han tih tur vak awmin a lang lova. Chuvang chuanin Minister pwhina a object a nih loh chuan bill kan move tawh hnuah, a move tawh hnuah leh first reading kan zawh a, generally a kan discuss tawh hnuah hian Select Committee ah hian refer chu kan rawt a nih chu.

DEPUTY SPEAKER : Kan Minister khanin adjournment a rawt a, a dik chiah a i rawt ang kha. Minister tan chuan Select Committee kha rawt chi a ni lova. Chuvang chuan member te rawt kha a dik tlat a ni. Chuvang chuan engnge ni Pu Sainghaka'n Select Committee a refer mai nise tiin a rawn sawi a, member dang ngaihdan te engnge ni ?

* PU BUALHRANGA : Pu Deputy Speaker, kan Bill kha sawiho nan leh mipui-te han educate nan pawh a hun duh rei fu in a rinawm a. Tin, hei pawl hrang hrang te kan ni a, kan ni leh sa te pawh kan sawipui tha viauin a rinawm a. Chuvang chuan hun duh rei tur ni ah ka ngai deuh a. Chuti a nih chuan Select Committee ah khan lo refer ni ta ila, kan duh aia hma leh kan peih chhuah hma hian thil tak taka kalpui leh tur hi chuan a buaithlak viauin ka ring a. A nih lem loh chuanin a sualna awm vak pawhin ka hre lo.

DEPUTY SPEAKER : Chuti a nih chuanin a tha a ni. Select Committee tih kha a tha tlang ber a nih chu naw ? Engngeni kan Minister-in-charge ngaihdan, a tha a ni mai lawm ni. (Pu Lalhmingthanga Minister : Khani ka rawtna leh Member zahawm takin a Select Committee a refer a rawn rawtna kha House ah hian duh nah ilangin a enga pawh chu nise a tlukna lam apiang ka pawn thei).

* PU SAINGHAKA : Pu Deputy Speaker, a nih mai loh nan kan han tih khani buk a kha chu tih tur awm tak pawhin a lang a. Keinin kan han ngaihtuah a, House rilru han thlir khanin adjournment a nih kha chuanin engtik hunah pawh lut leh dawn sela, a ngai ringawt khan a lut leh dawn tihna tlukin a lang tlat a ni. Withdraw chu nisela chuan a rawn sian tha ang a, House ngaihdan ang deuh pawh hian leh thil a tul a tih ang ang tunhma a awnlo ang hlahk kha a ni dawn a. Chulai chu a ni select committee nen a a danglamna.

PU P.B.ROSANGA
MINISTER

: Pu Deputy Speaker, kal kawng kal theihna kan neiin ka hria a. Member zahawm tak tak te sawi kha a kallmang ni thei vekin ka hria a. Tunah hian Motion pahnih ang kan nei tihna a ni a. A Bill neitu member chuan a kalpui tawh dan kha a ni a, chu chu kan dan thlap a a kal chuan adjournment kha a rawn dil ta a. Tin, chutihlai chuan rawtna dang pakhatat chuan kan dan a 'b' angin Select Committee a hi refer nise tiin rawtna a awm a. Chutah pawh chuan thui tak kan zuk ngaihtuah chuan kal theihna chi hnih kan nei ang a. Khani Motion pahnih a kha yawinah hian kan buk thei a. Tin, chubakah a pahnih a kal kawp theihna tur pawhin la awm leh thei chu adjournment neih hnuaah a ngai ang ang a luh pui leh pawh khan Select Committee ah khan ken la refer leh thei a. Chung chu kan kal theih dan tur kan dan kallmang atang hi chuan niin a lang a. Engpawh nise a tha tak tur ni a karrin chu ram pum mipui huap thil a nih avangin he kan bill hi adjournment hi kalpui ta ila, he bill a hi Session leh emaw a nih loh leh he House ah hian discuss a nih leh hunah khan kan duh phawt chuan Select Committee ah kan la refer leh thei ang a. Tichuan, mipui te leh member ten hemi ah hian ngaihdan zau zawk pawh kan la siam thein ka ring a. Chuvang chuan kan bill pu luttu rawn move na ang khan adjourned ta phawt ila. A kalkawng leh zel tur chu member zahawm tak Aizawl South aiewh ten an rawn sawi kha a nihna lai tak pawh a awm tlat a. Chuvang chuan kan sawi leh hunah pawh Select Committee chu kan kalna tur a ni thei thoin ka ring a.

Chuvang chuan kan Bill neitu rawn rawtna ang hi kan pawm thei mai lawm ni tih ka hen support a ni kei chuan.

PU H.RAMMAWI

: Pu Deputy Speaker, member zahawm tak tak tena Select Committee a hlan rawtna kan siam kha siam awm tak pawh a ni a. Anaherawhchu kan Minister zahawm tak khan tiam chin awm lova adjourned kha a dil a, kha kha kan dan 77-na (a)-na ah pawh khan a lo lang Chiang em em a. Anaherawhchu Select Committee a hlan tur a nih pawhin khani member-in-charge bawk a tih tur a nih zie chu kan dan 77-na (b)-naah khan Chiang takin a lo lang bawk a.

Anaherawhchu member-in-charge ni lo tena Select Committee a hlan kan rawtna kha erawh chu kan dan 79-na hian a phal chiah loin ka hria a. A Member-in-charge ni lo te chuanin Select Committee ah hlan tur a ni tih kha a phal hauh lo mai a, Member-in-charge in a rawt a nih erawh chuan thu hlan a ni a. Chuvang chuanin kan Minister-in-charge ina rawtna a siam ang khanin adjourned ta ila, chumi chung chuan ngaihdan thar pawh kan nei hman ang a. A Ruling e, Opposition e tih awm tawh loin langruah taka kan kal dan kawng awm tlatin ka hria a. Chuvang chuanin kan Minister rawtna ang khan kal ila a tha zawkin ka hria.

DEPUTY SPEAKER : Ngaihdan hran nei kan awm em ?

PU SAINGHAKA : Pu Deputy Speaker, ka han sawi leh teh ang. Tuna kan member in a sawi kha chu a hre fuh loh deuh a ni mai thei a. A tirah khan Select Committee a refer turin Minister khan (a)-na ang khan move lo sela chuan a ti thei a ni. Mahse (a)-na angin a move tawh a, (a)-na ang a move tawh chuan 78 ang khan erawh chuan first reading kan tih lain amendment a sian theih a ni a. Chu amendment a chu member ta pawhin Minister-in-charge ni lo pawhin Select Committee a refer tur pawhin a tih theih zawk a, chu chu tuna ka rawn din pui zawk a kha a ni a.

Tin, tuna kan Minister ina adjournment a rawn move kha chuan nichin a kan Agriculture Minister in a sawi ang a kan kal dawn a nih chuan hun a duh rei deuh dawn a, hmanhmawh vak lo tihna a ni dawn a. Tunah hianin engemaw chenah chuanin thil hmanhmawh thlak tak ~~nin~~hse hmanhmawh hleih theih loh thil pawimawh tak tih zung zung hleih theih loh chi a nih deuh avang khan Select Committee ah pawh khan lo refer ta ila, kan ngaihtuah leh hun tur emaw chu Sitting leh hun tur a ni mai a, chu chu Select Committee in an in peih hman chuan tih a ni chauh a. Khalajah Khanin chu aia la delay leh chu a pawl chuang lo e, nakinah pawh Select Committee ah pawh kan la refer leh thei tho a lawn tih a nih chuan kei pawhin ka object chuanglo.

DEPUTY SPEAKER : Chuti a nih chuan heta adjournment Minister in a rawt kha a tha tlang a ni mai lawn ni. Tha kan ti tlang naw ? (Member ten the an ti tlang a) Chuti a nih chuan The Lushai Hill District Revenue Assesment Amendment Bill heni a rawn sian hi adjournment turin ngaihtuah leh zel theih turin nidangah kan ti dawn a nih chu. Hei Business kan nei tawh lo niin a lang a, kan Session chu vawin atan chuan lo tawp rih mai sela, naktuk dar 10.30 A.M. ah kan chhonzawm leh dawn nia.

Meeting adjourned at 2.30 P.M.

J. MALSAWMA,
SECRETARY.

:: ::